

四庫全書薈要

• 乾隆御覽本

經部

欽定四庫全書薈要

經部
穀梁注疏卷八

詳校官原任侍講臣王燕緒



春秋穀梁注疏卷七

起僖公元年盡五年

晉范甯集解 唐陸德明音義 楊士勛疏

僖公疏

魯世家僖公名申莊公之子閔公庶兄以惠王十八年即位諡法小心畏忌曰僖

元年春王正月

傳繼弑君不言即位正也

齊師宋師曹師次于蕭北救邾注蕭北邾地音義

蕭女輒反

傳救不言次注據莊六年王人子突救衛不言次疏

釋曰王人子突救衛上有伐文今無見伐文而云救
邢者莊三十二年狄伐邢邢國遂滅而齊救之錄其
本意故經言救傳以次非救急之事故云非救也知
邢國滅者公羊傳云不及事者何邢已亡矣孰亡之
蓋狄滅之又經書救邢是國滅也滅而不書者公羊
傳云曷為不言狄滅之為桓公諱也是為齊桓諱故
不言狄滅邢也然則滅衛諱而書入邢全不書之者
二事不可全掩故諱而書一也邢不書入故有救次
之文衛亡書入言次非救也注次止也救赴急之意
故沒其救次耳

今方停止故知非救也非救而曰救何也遂齊侯之

意也注錄其本意是齊侯與注怪其稱師音義

與音餘

齊侯也何用見其是齊侯也注據經書齊師音義

賢見

徧反下復見及注同

曹無師曹師者曹伯也注小國君將稱君

卿將稱人不得稱師言師則是曹伯也曹君不可在

師下故知是齊侯音義

君將子匠反下同

疏

注釋曰桓十三年傳云戰稱人

敗稱師重衆是師者重辭周禮小國一軍軍將雖命卿小國之卿唯比大國之大夫名氏不見例當稱人故不得言師也是知言師者即國君也然師是重辭所以楚滅蔡亦得稱師齊侯不足乎揚亦稱師者凡師者大國則得稱之不論貶有輕重春秋美惡不嫌同文貶雖文同輕重則自別其不言曹

伯何也以其不言齊侯不可言曹伯也其不言齊侯

何也以其不足乎揚不言齊侯也注救不及事不足

稱揚音義

以其不足乎揚
絕句稱揚也

夏六月邢遷于夷儀注辟狄難夷儀邢地音義

難乃疏
旦反

注釋曰以邢遷
之故知邢地

傳遷者猶得其國家以往者也其地邢復見也注非

若宗人遷宿滅不復見音義

復扶又反
下注竝同

齊師宗師曹師城邢

傳是向之師也使之如改事然美齊侯之功也注是

向聶北之師當言遂今復列三國者美齊桓存亡國

音義

向許亮反本又作鄉注同

疏

釋曰前言師者貶齊侯也若向之師便是彰桓之罪而云美其

功者春秋文同義異者上下甚衆故齊侯前稱師以見貶書次以彰情今之城邢國滅而復存齊桓過而能改君子善之故重列三國所以美其功也經不言遂重列三國之師若似更別來城不因前事故云改然事

秋七月戊辰夫人姜氏薨于夷注哀姜齊人以歸

傳夫人薨不地地故也不言以喪歸非以喪歸也加喪焉諱以夫人歸也注泰曰齊人實以夫人歸殺之于夷諱故使若自行至夷遇疾而薨然後齊人以喪

歸也歸在薨前而今在下是加喪之文也經不言以

喪歸者以本非以喪歸也傳例曰以者不以者也微

旨見矣音義

見賢徧反

其以歸薨之也注以歸然後殺之

疏

釋曰不言以喪歸謂承夫人薨于夷下不云齊人

言之也加喪焉者謂齊人以夫人歸然後殺之今經

書薨文在上是加喪之文也

謂諱齊人以我夫人殺

之故加喪文於上似若夫人行至夷遇疾而死然後

齊人以其喪歸也

其以歸薨之者謂其實以歸之然

後始薨之實殺傳言薨之者傳以經文諱殺故順經

爲文注釋曰桓十四年傳文彼注云不以者謂本非

所得制今得以之也范引之者

證齊人合以夫人見此微旨

楚人伐鄭疏

釋曰不以州言之者以楚雖荆蠻漸自通於諸夏國轉疆大與中國抗衡故不復州

舉之或以爲言楚所以駁鄭然則從此以後盡稱楚豈皆是駁鄭乎其說非也何休云稱楚人者爲僖公諱與夷狄交婚故進之使若中國也穀梁無交婚之事其言不可通于此也杜預云荆始改號曰楚案莊十四年傳云荆者何州舉之也州不如國注云言荆不如言楚則亦與杜預異也

八月公會齊侯宋公鄭伯曹伯邾人于榿注榿宋地音

義

榿勅貞反一本作打音同

九月公敗邾師于偃注偃邾地音義

敗必邁反下皆同偃于晚反一本作

同

疏

釋曰公所以敗邾師者此傳無說何休云公怨邾以夫人與齊故敗之未知范意然不

傳不日疑戰也疑戰而曰敗勝內也

冬十月壬午公子友帥師敗莒師于麗獲莒挈注麗魯

地傳例曰獲者不與之辭音義

麗力池反挈女居反又女加反

傳莒無大夫其曰莒挈何也注據非大夫不書以吾

獲之目之也內不言獲注獲者不與之辭主善以內

故不言獲此其言獲何也注據文十一年叔孫得臣

敗狄于鹹不言獲長狄疏

注釋曰此傳云惡公子之給彼傳諱重傷故不言獲

獲者不與之辭內不言獲乃是常例至於長狄則異於餘獲宜書之以表功而經文略之由重傷故也此

注據之以爲證者取不書獲之成文不言義旨全合也

惡公子之紿注紿欺紿

也音義

惡烏路反紿徒乃反

紿者奈何公子友謂莒挈曰吾二

人不相說士卒何罪屏左右而相搏公子友處下左

右曰孟勞孟勞者魯之寶刀也公子友以殺之然則

何以惡乎紿也注據得勝地音義

說音悅卒子忽反搏音博手搏也勞

如曰棄師之道也注江熙曰經書敗莒師而傳云二字

人相搏則師不戰何以得敗理自不通也夫王赫斯怒貴在爰整子所慎三戰居其一季友令德之人豈

當舍三軍之整佻身獨鬪潛刃相害以決勝負者哉

雖千載之事難明然風味之所期古猶今也此又事

之不然傳或失之音義

赫呼白反舍音捨佻他堯反又徒堯反

疏

注釋曰老

子云以政治國以奇用兵季子知莒弑之可擒棄文王之整旅佻身獨鬪潛刃相爭据禮雖乖於權未爽縱使理違猶須申傳况傳文不知江生何以爲非乎又且季子無輕鬪之事經不應書獲傳不須云棄師之道既經傳文符而江熙妄難范引其說意亦同之乃是范失非傳失之又經書獲所以惡季子之紹今江熙云季子令德也則是非獨不信傳亦是不信經

十有二月丁巳夫人氏之喪至自齊

傳其不言姜以其殺二子貶之也注二子子般閔公

或曰爲齊桓諱殺同姓也音義

爲于

疏

釋曰

計夫人

姑姊即是妹姪而直云同姓者以夫人失母之道殺子外奔齊桓討之信得其罪既疏而遠之託言同姓

二年春王正月城楚丘

傳楚丘者何衛邑也國而曰城此邑也其曰城何也

注據元年齊師宋師曹師城邢邢國也封衛也注閔

二年狄入衛遂滅則其不言城衛何也衛未遷也其

不言衛之遷焉何也注據元年邢遷于夷儀言遷也

不與齊侯專封也其言城之者專辭也故非天子不得專封諸侯諸侯不得專封諸侯雖通其仁以義而不與也注存衛是桓之仁故通令城楚丘義不可以專封故不言遷衛音義

令力呈反

故曰仁不勝道注仁謂

存亡國道謂上下之禮疏

釋曰楚丘何嫌非衛而傳言者以無遷衛之文故發

之也傳知是衛者以詩云作于楚宮故知之也此云不言遷不與齊侯專封而元年城邢美齊侯之功者彼邢遷之後始城則城者脩舊之辭非始立之稱故可以美於齊桓今衛國已滅始城楚丘而國未遷經先言城後言遷則是齊桓城而遷之故不與專封也然城鄭虎牢是邑知楚丘非邑者詩稱楚宮明知非

也邑

夏五月辛巳葬我小君哀姜

虞師晉師滅夏陽

傳非國而曰滅重夏陽也虞無師其曰師何也以其
先晉不可以不言師也注人不得居師上貴賤之序

音義

夏戶雅反左氏作下陽
先蘇薦反下文及注同

疏

釋曰此云非國而曰
滅重夏陽也昭十三

年吳滅州來亦言滅者虞虢之滅由於夏陽之亡州
來楚之大都而吳滅之令楚國稍弱入郢之兆由滅
州來所致故竝書滅小國無師傳三發之者竝是小
國不合言師燕爲敗而重衆故得言師曹言師者明

其是君也虞言師者表其先晉也以其言師不同各舉備文耳其先晉何也注據小

不先大為主乎滅夏陽也夏陽者虞虢之塞邑也注

其地險要故二國以爲塞邑音義

塞蘇代反注同

滅夏陽而

虞虢舉矣虞之爲主乎滅夏陽何也晉獻公欲伐虢

荀息曰君何不以屈產之乘垂棘之璧而借道乎虞

也注荀息晉大夫屈邑產駿馬垂棘出良璧音義

屈其

勿反又君勿反地名也乘繩證反駿

疏

釋曰徐邈云舉猶拔也言

晉滅夏陽則虞

公曰此晉國之寶也如受吾幣而不

借吾道則如之何荀息曰此小國之所以事大國也

注此謂璧馬之屬疏

釋曰玉有美惡出處不同周有監田楚有和氏宋有結綠晉有

垂棘各是國之寶也

彼不借吾道必不敢受吾幣如受

吾幣而借吾道則是我取之中府而藏之外府取之

中府而置之外府也公曰宮之奇存焉注宮之奇虞

之賢大夫音義

虞音救奇其宜反

必不使受之也荀息曰宮

之奇之爲人也達心而懦注懦弱音義

懦乃亂反又乃卧反

又

少長於君達心則其言略注明達之人言則舉綱領

要不言提其耳則愚者不悟音義

少詩召反下同長丁丈反提徒兮反

本作題

音同 懦則不能彊諫少長於君則君輕之且夫玩

好在耳目之前而患在一國之後此中知以上乃能

慮之臣料虞君中知以下也公遂借道而伐虢宮之

奇諫曰晉國之使者其辭卑而幣重必不便於虞虞

公弗聽遂受其幣而借之道宮之奇諫曰語曰唇亡

則齒寒其斯之謂與注語諺言也音義

彊其良反又其文反好呼

報反知音智下同上時掌反料力彫反又力

疏

釋曰

弔反使所吏反便婢面反與音餘諺音彥

論語

云中人以上可以語上今虞君中
知以下則近愚故不能速慮也

挈其妻子以奔曹

音義

挈夫結反

獻公亡虢五年而後舉虞注

謂僖五年也

荀息

牽馬操璧而前曰璧則猶是也而馬齒加長矣注猶

是言如故音義

操七刀反長丁丈反

秋九月齊侯宋公江人黃人盟于貫注貫宋地音義

貫古

亂反

傳貫之盟不期而至者江人黃人也江人黃人者遠
國之辭也中國稱齊宋遠國稱江黃以爲諸侯皆來

至也疏

釋曰公羊傳曰江人黃人者何遠國之辭也遠國至矣則中國曷爲獨言齊宋至爾大國

言齊宋遠國言江黃則其餘爲莫敢不至也何休云晉楚大於宋不序晉楚而言齊宋者時實晉楚之君不至但君子成人之美故褒益以爲徧至之辭所以獎大霸功而勉盛德也事或然矣魯雖復非大春秋以魯爲主魯若爲會必書公但魯亦不至故不書之或以爲魯公亦在舉大以包之故不得以魯爲主耳

冬十月不雨

傳不雨者勤雨也注言不雨是欲得雨之心勤也明

君之恤民音義

勤如字麋氏音覲後年同

楚人侵鄭

三年春王正月不雨

傳不雨者勤雨也

夏四月不雨注一時不雨則書首月不言旱不爲災

傳一時言不雨者閔雨也注經一時輒言不雨憂民

之至閔憂也疏

釋曰此傳云一時言不雨者據文二年自十二月不雨至于秋七月彼傳

云歷時而言不雨文不憂雨也此僖公憂雨故時時別書之

閔雨者有志乎民者

也

徐人取舒

六月雨

傳雨云者喜雨也喜雨者有志乎民者也疏

釋曰春秋上下

時雨不書非常乃錄今輒書六月雨者欲明僖公得雨則心喜故也心喜是於民情深故特錄之

秋齊侯宋公江人黃人會于陽穀注陽穀齊地

傳陽穀之會桓公委端搢笏而朝諸侯注委委貌之

冠也端立端之服搢插也笏以記事者也所謂衣裳

之會音義

搢音進又音箭笏音忽朝直遶反插楚洽反

諸侯皆諭乎桓公

之志疏

釋曰桓會多矣獨此言委端搢笏皆諭乎桓公之志者以此會最大又以四教令於諸侯

其諸侯皆曉諭桓公之志不須盟誓故傳詳其事也
其四教者公羊傳云無鄆谷無貯粟無易樹子無以
妾爲妻是也云委端指笏者謂會時服此服以朝諸
侯也謂委端者郊特牲云委貌周道也章甫殷道也
母追夏后氏之道也又論語云羔裘玄冠不以弔鄭
玄云玄冠委貌諸侯視朝之服是委者委貌之冠也
論語又云端章甫願爲小相焉鄭云端玄端也衣玄
端冠章甫諸侯日視朝之服又士冠禮云主人玄冠
朝服在朝君臣同服是玄端諸侯視朝之服王肅云
端委者玄端之衣委貌之冠故范亦同之謂之玄端
者其色玄而制正幅無殺故謂之玄端桓公會諸侯
因使諸侯朝已故服朝服也笏者玉藻云天子以球
玉諸侯以象大夫以魚須文竹士竹本象可也其長
短則天子三尺諸侯以下二尺有六寸也注釋曰傳
稱衣裳之會十有一今此注特言所謂衣裳之會者
以傳有其文故注因顯之不謂直此會是衣裳也

冬公子季友如齊莅盟注傳例曰莅位也內之前定之

盟謂之莅外之前定之盟謂之未音義

莅音利又音類

疏

注釋曰昭

七年
傳文

傳莅者位也注盟誓之言素定今但往其位而盟其

不日前定也不言及者以國與之也不言其人亦以

國與之也疏

釋曰舊解此傳是外內之通例不據此一文而已不言及者以國與之也謂若

外國之來盟及魯人往盟經直舉外來爲文不言及者欲見以國與之也故舉國爲主即宣七年衛侯使孫良夫來盟此公子季友如齊莅盟是也不言其人亦以國與之也者謂不言來盟之類經雖言及而不

書魯之主名者亦見舉國與之即成三年丙午及荀庚盟是也不言外及者經無故也康信徐邈竝據當文解之理亦通也但據成三年傳注則不得以當文解之故今從舊說耳

楚人伐鄭

四年春王正月公會齊侯宋公陳侯衛侯鄭伯許男曹

伯侵蔡蔡潰注傳例曰侵時而此月蓋爲潰音義

潰戶內反

爲于僞反疏注釋曰侵無月例例時今桓公知所侵而下爲退同經書月故知爲潰也文三年沈潰書月是其例也呂潰書日者惡大夫之叛故謹而日之

傳潰之爲言上下不相得也注君臣不和而自潰散

侵淺事也侵蔡而蔡潰以桓公爲知所侵也注責得

其罪故裁侵而潰不土其地不分其民明正也疏

釋曰

侵者拘人民而謂之淺者對伐爲淺也又傳云不分其民是拘之而不取亦是淺之義此傳本意言桓公不深暴於蔡纔侵之而即潰故因發淺例左氏無鐘鼓曰侵此傳稱拘人民或當掩其不備亦未聲鐘鼓也論語稱齊桓公正而不譎指謂伐楚此侵蔡亦言正者伐楚是責正事大故馬鄭指之其實侵蔡不土其地不分其民亦是正事故傳言正也

遂伐楚次于陘注楚彊齊欲綏之以德故不速進而次

于陘陘楚地音義

陘音刑

傳遂繼事也次止也疏

釋曰次有二種有所畏之次即齊師宋師次于郎傳曰畏

我是也有非所畏之次即此次于陘傳曰次止也是

夏許男新臣卒注十四年冬蔡侯肸卒傳曰諸侯時卒

惡之也宣九年辛酉晉侯黑臀卒于扈傳曰其地于外

也其日未踰竟也然則新臣卒于楚故不日耳非惡也

音義

惡烏路反下同聲徒門反

疏

注釋曰宋公和卒傳曰諸侯日卒正也則日卒由正不由善惡蔡侯

肸卒傳曰時卒惡也則似不日卒由善惡不由正者凡諸侯雖則正卒有惡者亦不得書日成十五年夏六月宋公固卒僖二十四年冬晉侯夷吾卒十四年冬蔡侯肸卒是也身既是庶雖則無惡亦不得書日故傳云日

卒正也明不日是不正昭十四年八月莒子去疾卒定十四年夏五月吳子光卒襄十八年冬十月曹伯負芻卒是也日卒有二義故傳兩明之是諸侯正而無惡縱在外在內竝書日不正無惡則書月但有大惡不問正與不正皆時也宋共公卒書月者彼爲葬日表其違例故不得書時也推例言之則此許男新臣亦是不正也故范直以非惡解之不云正與不正又昭二十三年夏六月蔡侯東國卒于楚范云不日在外也則此新臣亦不正故不書日襄二十六年八月壬午許男甯卒于楚彼亦在外而書日則甯是正可知也然則庶子踰竟未踰竟竝皆不日嫡子在外在內竝皆書日則新臣由不正而不書日注云卒于楚故不日者以新臣非直不正又兼在外傳例云其日未踰竟故順傳文書之其實由正與不正不論在外在內也其襄公二十六年傳注云在外已顯者彼甯實是正經言于楚則在外之文已顯必不須去日故亦順傳文言之必知由正不正不由在

外在內者宣九年范注云諸侯正卒則日不正則不日而云未踰竟者恐後人謂操扈是國故發傳日未踰竟是也知新臣無罪者以薨于朝會乃有王事之功明無罪或以爲許男新臣亦正也但爲卒于楚故不日許男甯卒于楚書日者以新臣卒無于楚之文故去日以見在外而卒也許男甯經有在外之文故書日以明其正晉侯黑臀卒于扈是正未踰竟故亦書日與許男異故范以爲其日未踰竟者表其非國不擇日與不日范氏之注上下多違縱使兩解仍有僻謬故竝存之以遺來哲

傳諸侯死于國不地死於外地死於師何爲不地注

據宣九年晉侯黑臀卒于扈地疏

注釋曰不據曹伯負芻卒于師者師

與地異上云伐楚次于陘則許男卒于陘可知卒當有地而不地故注以地決之曹伯圍齊未退即在師

而卒故云卒于師是師句巨師也主卒巨哉惠合音

與地異故不據曹伯也日本自也之

諸侯安之雖卒於外與其在國同

楚屈完來盟于師盟于召陵注屈完來如陘師盟齊桓

以其服義為退一舍次于召陵而與之盟召陵楚地音

義

召上

疏

注釋曰知一舍者古者師行每舍三十里上

照反云屈完來盟于師下即云盟于召陵知非大

遠故云一舍宣十五年左右傳華元謂子反曰去我三十里唯命是聽亦其證也

傳楚無大夫注無命卿也疏

釋曰無大夫凡有三等之例曹無大夫者本非

微國後削小耳莒則是東夷本微國也楚則蠻夷大國僭號稱王其卿不命于天子故不同中國之例也

其曰屈完何也以其來會桓成之爲大夫也注尊齊

桓不欲令與卑者盟音義

令力呈反下同

其不言使權在屈

完也注邵曰齊桓威陵江漢楚人大懼未能量敵遣

屈完如師完權事之宜以義卻齊遂得與盟以安竟

內功皆在完故不言使音義

與音預又如字

則是正乎曰非

正也注臣無自專之道以其來會諸侯重之也注重

其宗中國歸有道疏

釋曰以其來會重之也謂完既不正經無貶文者重其會中國

徐邈云經不言使屈完者重其會諸侯也不言使前已解訖徐說非也

來者何內桓師

乙主未皆內詳乙曰亘而文言來疏釋曰來者何也

也注云才口謂也口和自故言牙直謂據陳表僞如

會不言來也內桓師也謂來者鄉內之于師前定也辭今內齊桓為天下霸主故亦言來也

于名陵得志乎桓公也得志者不得志也注屈完來

盟桓公退于名陵是屈完得其本志屈完得志則桓

公不得志以桓公得志為僅矣注桓為霸主以會諸

侯楚子不來屈完受盟令問諸江辭又不順僅乃得

志言楚之難服音義僅其屈完曰大國之以兵向楚新反

何也桓公曰昭王南征不反菁茅之貢不至故周室

不祭注菁茅香草所以縮酒楚之職貢音義

菁茅子丁反下

亡交反尚書傳云菁以爲

疏

注釋曰尚書禹貢云苞菁茅以縮酒縮所六反

爲菹茅以縮酒今范云菁茅香草則以爲一物與孔異也

屈完曰菁茅之貢不至

則諾昭王南征不反我將問諸江注問江邊之民有

見之者不此不服罪之言故遂于召陵而與之盟屈

完所以得志桓公之不得志

綱疏

注釋曰呂氏春秋云周昭王親征荆

蠻反涉漢梁敗隕于漢中幸餘靡振王北濟爲誘注

引左傳云昭王不復君其問諸水濱則昭王沒於漢

不得振王北濟也故舊說皆云漢濱之人以膠膠舡

舡壞昭王溺焉則昭王沒漢此云問諸江邊者江漢

水之相近者楚人不服罪不
指王之死處而云問諸江也

齊人執陳袁濤塗注袁濤塗陳大夫音義

濤徒刀反

傳齊人者齊侯也其人之何也於是哆然外齊侯也

不正其踰國而執也注江熙曰踰國謂踰陳而執陳

大夫主人之不敬客由客之先不敬主人哆然衆有

不服之心故春秋因而譏之所謂以萬物爲心也莊

十七年齊人執鄭詹傳與其執者詹奔在齊因執之

音義

哆昌者反又昌氏反詹之廉反

疏

釋曰公羊左氏皆以爲濤塗誤軍道故齊侯執之此傳與

注竟無誤軍道之言則以溝塗不敬齊命故執之也
於是哆然外齊侯者謂齊不以禮於陳陳人有不服
之意哆然疏外齊侯哆然寬大之意也不正其踰國
而執也謂陳之不敬由齊之無禮不能自責反越國
而執其臣故不正其踰國而執也貶以稱人不正猶
言不與也正則人與之不正則人不與故謂不與爲
不正也然齊人執鄭詹亦稱人以執傳言與之此稱
人以執即云貶者詹鄭之佞人住至齊國稱人以執
則是齊人執執之今溝塗不在齊國又無實罪齊侯
執之而云齊人故知是貶也桓十一年宋公執人權
臣今廢嫡立庶亦貶云宋人是其類也注萬物爲心
擇曰莊子文

秋及江人黃人伐陳

傳不言其人及之者何內師也疏

釋曰何嫌非內而發傳者以文承齊

人執壽塗之下即云及江人黃
人伐陳恐非魯及故云內師也

八月公至自伐楚

傳有二事偶則以後事致後事小則以先事致其以

伐楚致大伐楚也注鄭君曰會為大事伐為小事今

齊桓伐楚而後盟于召陵公當致會而致伐者楚彊

莫能伐者故以伐楚為大事疏

注釋曰知會大伐小者伐雖國之大事會

盟有異壇揖讓之儀示威講禮之制奉之以牲玉要之以神明是其大事故定四年公會諸侯侵楚五月盟于皐陂下云公至自會是亦以會為大事也今以楚彊莫能伐之者故特以伐為大事也

葬許穆公

冬十有二月公孫茲帥師會齊人宋人衛人鄭人許人
曹人侵陳注莊十年春二月公侵宋傳曰侵時此其月

何也惡之故謹而月之然則凡侵而月者皆惡之音義

惡烏路疏注釋曰此侵陳爲惡者陳之不敬由齊之不

反下同敬陳也齊桓宜自責反執其臣前事既非今

又致討故書
月以見惡也

五年春晉侯殺其世子申生

傳目晉侯斥殺惡晉侯也注斥指斥音義

惡烏路反疏釋曰

傳言此者於鄭段雖有目君之例未辨目君之由故於此明之宗公殺其世子莊雖不發傳從此可知其殺公子不目君者皆罪賤之也

杞伯姬來朝其子

傳婦人既嫁不踰竟踰竟非正也諸侯相見曰朝伯姬爲志乎朝其子也伯姬爲志乎朝其子則是杞伯

失夫之道矣注凱曰不能刑于寡妻音義

朝直遙反下皆同爲

于僞反下同

諸侯相見曰朝以待人父之道待人之子非

正也故曰杞伯姬來朝其子參譏也注參譏謂伯姬

杞伯魯侯也桓九年曹伯使其世子射姑來朝譏世子此不識者明子隨母行年尚幼弱未可責以人子之道伯姬以莊二十五年夏嫁至今十三年則子幼

可知音義

參七南反又音三

疏

釋曰竝譏之者伯姬託事而行近於淫泆失爲婦之道杞

伯不能防其閨門令妻至魯失爲夫之宜魯待人之子行待父之禮失爲主之度故三事同譏之也

夏公孫茲如年

公及齊侯宋公陳侯衛侯鄭伯許男曹伯會王世子于首戴注惠王之世子名鄭後立爲襄王首戴衛地音義

首戴左氏

疏

釋曰案史記年表此時齊侯桓公也宗公桓公也陳侯宣公也衛侯文公也鄭伯文

公也許男僖公也曹伯昭公也其王世子者即惠王之世子名鄭後立爲襄王是也

傳及以會尊之也注言及諸侯然後會王世子不敢

令世子與諸侯齊列音義

令力呈反

何尊焉王世子云者

唯王之貳也云可以重之右焉尊之也何重焉天子

世子世天下也疏

釋曰士冠禮云天子之元子猶士也天下無生而貴者也此云世天

下也者彼見無生而貴者又明有父在之故今傳以其特世父位故云世天下也

秋八月諸侯盟于首戴注言諸侯者前目而後凡他皆

放此

傳無中事而復舉諸侯何也尊王世子而不敢與盟也尊則其不敢與盟何也盟者不相信也故謹信也不敢以所不信而加之尊者桓諸侯也不能朝天子是不臣也王世子子也塊然受諸侯之尊已而立乎其位是不子也桓不臣王世子不子則其所善焉何也是則變之正也注雖非禮之正而合當時之宜音

義

復扶又反下同塊苦對反又苦怪反

疏

釋曰無中事者謂中間無他事也據平丘之會無中事不

重舉諸侯此則重舉諸侯故決之塊然者徐邈云塊然安然也則其所善焉何也謂經不譏桓而譏王世子是天子微諸侯不享覲桓控大國扶小國統諸侯也

不能以朝天子亦不敢致天王尊王世子于首戴乃所以尊天王之命也世子舍王命會齊桓亦所以尊天王之命也世子受之可乎是亦變之正也天子微諸侯不享覲世子受諸侯之尊已而天王尊矣世子受之可也音義控苦疏釋曰請問世子受諸侯之尊貢反已可乎以不也下文云世子受之可也謂得受之也

鄭伯逃歸不盟

傳以其去諸侯故逃之也注專已背衆故書逃傳例

曰逃義曰逃音義

背音佩

疏

注釋曰莊十七年傳文

楚人滅弦弦子奔黃

傳弦國也其不日微國也疏

釋曰何嫌非國傳特言弦國也發之者將明微

國不書日

故辨之也

九月戊申朔日有食之

冬晉人執虞公注虞公貪璧馬之寶棄兄弟之親拒絕

忠諫之口不圖社稷之危故晉命行于虞使下執上虞同于晉是以謂之晉人執虞公江熙曰春秋有州公郭公虞公凡三公非爵也傳以爲下執之辭嘗試因此論

之五等諸侯民皆稱曰公存有王爵之限沒則申其臣民之稱州公舍其國故先書州公郭公盜而歸曹故先名而後稱郭公夏陽亡則虞爲滅國故宜稱虞公三人殊而一致三公殊而同歸生死齊稱蓋春秋所賤音義之稱尺證反下齊稱疏注釋曰存有王爵之限者謂五同舍音捨舛昌克反等諸侯生存皆從本爵稱之也

沒則申其臣民之稱者謂五等臣子尊其君父舉謚稱公也州公舍其國故先書州公者謂州公郭公書經不同立文之意以州公好舍其國而實來故先書州公若郭公則盜而歸曹故後言郭公也夏陽亡則虞為滅國者謂晉滅夏陽則虞號舉矣故虞為滅國而亦稱公也三人殊而一致者謂立文雖殊其理致是一也三公殊而同歸者謂失國雖殊同歸一稱也生死齊稱正謂生死同號之曰公與凡諸侯異也案桓五年州公如曹六年實來本無舍國之事莊二十四年郭公歸曹不見有盜歸之文今江為此說而范不難者以州公舍國左氏有文郭公棄位適曹即是盜之狀以無正文故引而不難也三公殊而同歸或有作舛者舛謂差舛理亦通但定本作殊者多

傳執不言所於地縕於晉也注時虞已包累屬於晉

故雖在虞執而不書其處音義

縕紆粉反包音苞
裹音果處昌呂反

疏

釋曰舊解云執人例不書地此云不地縕於晉也者凡執人不地者亦以地理可明故也若晉會諸侯於溴梁執莒子邾子楚合諸侯於申執徐子皆因會而執之則在會可知故不假言地至如滅人之國執人之君則亦是就國可知也經若書晉滅虞則是言其地今不書滅虞即不舉滅國之地不謂執人當地也所以不言滅虞者晉命先行於虞虞已屬晉故不得言之也或以為執不言所於地謂不書執虞公于虞也縕于晉也謂虞已包裹屬晉故不得言也理亦通耳

其曰公何也注據十九

年宋人執滕子嬰齊不言公猶曰其下執之之辭也

注臣民執其君故稱公其猶下執之之辭何也晉命

行乎虞民矣注虞服于晉故從晉命而執其君虞虢
之相救非相爲賜也今日亡虢而明日亡虞矣注言

明日喻其速音義

爲于僞反
又如字

春秋穀梁注疏卷七

春秋穀梁傳注疏卷七考證

齊師宗師曹師次于聶北救邢傳疏莊三十二年狄伐邢○伐字監本誤作救今改正

傳以其不足乎揚不言齊侯也注救不及事不足稱揚

○臣召南

按齊桓之功在存亡國而經書聶北救邢

既有三國之師其力非不足以却敵而遲遲其行徘徊不進待邢人潰圍而出始遷夷儀此則霸者之私心也左氏公羊無所發明穀梁最得經意至城邢復

序三國之師傳曰美齊侯之功也功過兩不相掩持
論平矣

公子友帥師敗莒師于麗獲莒挈傳棄師之道也疏季
子知莒挈之可擒至江生何以爲非乎數句○臣召

南按縱使理違猶須申傳二句難解毛本作猶須力
傳尤不可解也以文勢推之上文既引老子以奇用
兵之說此處正言戰陣之事不廢爭鬪似應作縱使
理違猶須力搏

二年春王正月○二字監本誤作三今改正

齊侯宗公江人黃人盟于貫傳中國稱齊宗遠國稱江黃以爲諸侯皆來至也○臣召南按此與公羊說同

其贊美齊桓極矣但聖經書法理不得然使魯君同盟其可不書公及乎使陳蔡衛曹邾許諸君同盟其可不叙諸君乎江黃二國南逼於楚而北近宗齊侯至宗與二國之使臣盟其餘諸國皆不在會經但書其實耳臣浩按三年陽穀之會經亦書齊侯宗公江

人黃人傳曰諸侯皆諭乎桓公之志則意亦同此傳
然是冬季友即如齊盟是魯侯不與陽穀之會灼然
矣至近如魯尚不至況他國乎

公子季友如齊蒞盟傳疏不言外及者經無故也○推
尋文義經無故也疑當作經無文也

傳菁茅之貢不至故周室不祭疏尚書禹貢云芑匭菁
茅孔安國云菁以爲蒞茅以縮酒今范云菁茅香草
則以爲一物與孔異也○臣召南按左傳杜注云茅

菁茅也杜不見古文孔傳以爲一物而范承用之

公至自伐楚傳其以伐楚致大伐楚也注楚彊莫能伐

者故以伐楚爲大事○

臣名南

按伐楚之役魯人甚

侈其功魯頌曰荆舒是懲則莫我敢承鄭箋云僖公
與齊桓舉兵南艾荆及羣舒天下無敢禦也本齊桓
武功魯人隨從南伐其自矜謂如此致伐不致會又
何疑焉

晉人執虞公注三人殊而一致三公殊而同歸○

臣浩

按各本俱作三公舛而同歸陸氏釋文云舛昌充反則舊作舛字久矣但疏云三公殊而同歸或有作舛者舛謂差舛理亦通但定本作殊者多則知定本作殊字也今各本疏云三公殊而同歸者謂失國雖殊同歸一稱也兩殊字亦作舛字非也

春秋穀梁傳注疏卷七考證

春秋穀梁注疏卷八

起僖公六年
盡十八年

晉范甯集解

唐陸德明音義

楊士勛疏

六年春王正月

夏公會齊侯宋公陳侯衛侯曹伯伐鄭圍新城

傳伐國不言圍邑此其言圍何也注據元年楚人伐

鄭不言圍病鄭也著鄭伯之罪也注泰曰諸伐國而

言圍邑傳皆以爲伐者之罪而以此著鄭伯之罪者

齊桓行霸尊崇王室綏合諸侯翼戴世子盟之美者
莫盛於此而鄭伯辟義逃歸違叛霸者是以諸侯伐
而圍之罪著于上討顯于下圍伐之文雖同而善惡
之義有殊亦猶桓盟不日以明信而葵丘之盟日之

以爲美音義

著張處反辟音避

疏

法釋曰罪著於上而討顯於下者謂前五年書鄭伯

會而逃歸是罪著於上也今伐鄭又言圍新城是討
顯於下也圍伐之文雖同而善惡之義有殊謂隱五
年宗人伐鄭圍長葛此言齊侯伐鄭圍新城是圍伐
之文同也彼傳云伐國不言圍邑此其言圍何也久
之也此傳曰伐國不言圍邑此其言圍何也著鄭伯
之罪也故知彼言圍以惡宗此言圍以善齊是善惡

之義有殊也知善齊者傳言著
鄭伯之罪故知圍者之善也

秋楚人圍許諸侯遂救許注伐鄭之諸侯

傳善救許也疏

釋曰何嫌非善而傳言之者以許是近楚小國叛而即齊嫌救之非善故

發之

冬公至自伐鄭

傳其不以救許致何也大伐鄭也疏

釋曰大之者鄭叛中國外心事

楚成蠻夷之強益華夏之弱齊桓為伯討得其罪鄭人服從遂使世子聽命是其大也

七年春齊人伐鄭

夏小邾子來朝音義朝直

選反

鄭殺其大夫申侯

傳稱國以殺大夫殺無罪也疏

釋曰莊九年齊人殺無知傳曰稱人以殺

殺有罪也此云稱國以殺大夫殺無罪也是稱人稱國例異也但傳不說殺之狀無由知其事焉准例言之則是罪鄭伯也案傳例失德不葬文公不書葬則亦失德也枉殺卿佐是失德之傳未知鄭伯更有失德爲當直由殺申侯不可知也

秋七月公會齊侯宋公陳世子款鄭世子華盟于寧母

注寧母某地音義

寧如字又音甯左氏作甯母音無又茂后反

傳衣裳之會也疏

釋曰衣裳之會十有一或釋或不釋兵車之會四傳皆發之者衣裳

之會多省文以相包兵車之會少故備舉以見義此是衣裳後歲兵車二文相近故傳因而別之也

曹伯班卒音義

班必顏反

公子友如齊

冬葬曹昭公

八年春王正月公會王人齊侯宋公衛侯許男曹伯陳世子款盟于洮注洮曹地

傳王人之先諸侯何也貴王命也朝服雖敝必加於

上弁冕雖舊必加於首周室雖衰必先諸侯兵車之

會也音義

先悉薦反下同朝疏釋曰朝服者天子則直遙反弁皮彥反皮弁諸侯則玄冠衣

則皮弁白布玄冠緇衣素裳也弁冕者謂白鹿皮爲弁冕謂以木爲幹衣之以布上玄下纁垂旒者也

鄭伯乞盟

傳以向之逃歸乞之也注向謂五年逃首戴之盟齊

桓爲兵車之會于此乃震服懼不得盟故乞得與之

不錄使者使若鄭伯自来所以抑一人之惡申衆人

之善音義

向香亮反本又作鄉註同與音豫下請乞與并下注而與同本或作豫使所吏反

者重辭也注人道貴讓故以乞爲重疏

釋曰文與乞師同故爲重

辭重是盟也注悔前逃歸故以重言乞者處其所而

請與也注言乞知不自來疏

注釋曰經言晉侯使卻錡來乞師是亦不自來

也若然何以不錄使者所以抑鄭伯申諸侯也

蓋爲之也注洵血而與之音

義

洵由若反又音酌

夏狄伐晉

秋七月禘于大廟注禘三年大祭之名大廟周公廟禮

記明堂位曰季夏六月以禘禮祀周公于大廟雜記下

曰孟獻子曰七月日至可以有事于祖七月而禘獻子爲之案宣九年仲孫蔑如京師於是獻子始見經襄十九年卒然則失禮非獻子所始明矣雜記之云甯所未

詳音義

大廟音泰見賢徧反下文而見同

疏

注釋曰范言此者以禮記釋七月而禘獻子爲之此

時未有獻子亦七月而禘故知失禮非獻子爲始也

用致夫人注劉向曰夫人成

風也致之于大廟立之以爲夫人音義

夫人成風也左氏以爲哀姜

疏

釋曰左氏以夫人爲哀姜因禘祭而致之於廟公羊以爲僖公本取楚女爲嫡取齊女爲媵齊女先至遂

脅公使立之爲夫人故因禘祭而見於廟此傳及注意則以夫人爲成風致之者謂致之於大廟立之以爲夫

人與二傳連者若左氏以夫人爲哀姜元年爲齊所殺何爲今日乃致之若公羊以爲齊之媵女則僖公是作頌賢者縱爲齊所脅豈得以媵妾爲夫人乎明知二傳非也今傳云一則以宗廟臨之而後貶焉一則以外之弗夫人而見正焉檢經傳之文符同故知是成風也

傳用者不宜用者也致者不宜致者也言夫人必以其氏姓言夫人而不以氏姓非夫人也立妾之辭也非正也注夫人者正適之稱謂非崇妾之嘉號以妾體君則上下無別雖尊其母是卑其父故曰非正也禮有君之母非夫人者又庶子爲後爲其母總是妾

不爲夫體明矣音義

適丁歷反本亦作嫡稱尺證反別彼列反爲其于僞反總音思

疏

注釋曰仲子者惠公之母隱五年考仲子之官而經傳譏之是也有君之母非夫人者又庶子爲後

爲其母總者喪服文也

夫人之我可以不夫人之乎夫人卒葬

之我可以不卒葬之乎注鄭嗣曰君以爲夫人君以

夫人之禮卒葬之主書者不得不以爲夫人也成風

以文四年薨五年葬傳終說其事一則以宗廟臨之

而後貶焉注臣無貶君之義故于大廟去夫人氏姓

以明君之非正音義

去起呂反

一則以外之弗夫人而見

正焉注秦人來歸僖公成風之祿不言夫人音義

音祿

遂

冬十有二月丁未天王崩注惠王也

九年春王三月丁丑宋公禦說卒音義

禦魚呂反本亦作御說音悅

夏公會宰周公齊侯宋子衛侯鄭伯許男曹伯于葵丘

注宰官周采地天子三公不字宋子襄公葵丘地名音

義

采音

傳天子之宰通于四海注宰天官冢宰兼為三公者

三公論道之官無事于會盟冢宰掌建邦之六典以

佐王治邦國故曰通于四海疏

注釋曰傳言通於四海者解其與盟會之

事也若直爲三公論道之官則無事於會盟以兼爲

冢宰通於四海爲諸侯所尊故得出會也一解通於

四海者解其稱官之意與注乖非也論道之官者尚

書周官云論道經邦燮理陰陽是也掌建邦之六典

者大宰職云一曰治典二曰教典三曰禮典四曰政

典五曰刑典六曰事典是也左氏以宰周公爲宰孔

此傳蓋亦然也

宗其稱子何也未葬之辭也禮柩在堂上孤

無外事今背殯而出會以宗子爲無哀矣注櫬木如

椁塗之曰殯殷人殯于兩楹之間周人殯于西階之

上宗殷後也音義

曰柩其救反禮記云在牀曰尸在棺

疏

釋曰稱宗子正也而云無哀者宗子非主伯所召而自會諸侯稱子嫌稱子合正無譏故傳責

其背殯也

晉襄背殯貶之稱人此經不貶者宗襄雖背殯出會而子道不虧於理雖合小譏而文不可貶

責其晉襄上無王命

所召又非國事急重而自為戎首與敵交戰非直於理合責於文亦當貶也其稱子

稱侯之例具於桓十三年疏

注釋曰禮記檀弓云天

子之殯也

故塗龍輅以梓鄭玄云散木周龍輅如梓

而塗之也

天子殯以輅車畫轅為龍也彼說天子之

禮故云龍輅則諸侯亦設輅而不畫龍其用木槨之

亦如梓故范云槨木如梓也檀弓又云夏后氏殯於

東階之上殷人殯於兩楹之間周人殯於西階之上

是據所注之文也云宗殷後者

欲見宗之殯亦從兩楹之間

秋七月乙酉伯姬卒

傳內女也未適人不卒此何以卒也許嫁笄而字之

死則以成人之喪治之注女子許嫁不爲殤死則以

成人之喪治之謂許嫁於諸侯尊同則服大功九月

吉笄以象爲之刻鏤其首以爲飾成人著之音義笄古

兮反殤式羊疏釋曰明內女有書卒之義故發首云反著直略反

疏

釋曰明內女有書卒之義故發首云

氏別例云內女卒葬例有六葬有三卒亦有三卒者此云一也僖十六年鄆季姬二也成八年杞叔姬三也葬者莊四年葬紀伯姬三十年葬紀叔姬襄三十年葬宗共姬是也文十二年子叔姬不數之者與此

伯姬同是未適人故總爲一也注釋曰喪服大功章云女子子之長殤傳曰何以大功未成人也年十九至十六爲長殤十五至十二爲中殤十一至八歲爲下殤七歲以下爲無服之殤於其服也長殤中殤降成人一等下殤降成人二等又喪服傳曰大功之殤中從上小功之殤中從下長殤中殤總言之者據大功以上也其葬殤之禮亦與成人有異故檀弓云周人以殷人之棺槨葬長殤以夏后氏之塋周葬中殤下殤以有虞氏之瓦棺葬無服之殤是也女子許嫁而笄猶男子之冠也故以成人之喪治之禮諸侯絕菽故許嫁於諸侯則服之若嫁與大夫則不服也禮姊妹與己之女同服齊衰若出嫁則爲之降至大功九月禮意爲降者取受我而厚之夫爲之菽故我爲之降計此伯姬未至夫家案曾子問云娶女有吉日而女死壻齊衰而弔既葬除之然則其夫不爲之盡禮則皆不得爲之降當亦服齊衰菽也而范注云服

大功者總據出嫁者言之故云大功非謂此亦大功也或當女子在室公不爲之服則卒亦不書今書之者以其許嫁故也夫雖不爲終服公亦從出嫁之例降至大功也吉筭以象爲之者詩云象服是宜毛傳云尊者所以爲飾故知用象也鄭解象服與此異耳喪服女子許嫁服斬衰用箭筭齊衰則用榛筭喪既無飾故知吉筭有飾也鍾刻其首者相傳爲然也

九月戊辰諸侯盟于葵丘

傳桓盟不日此何以日美之也爲見天子之禁故備之也注何休以爲即日爲美其不日皆爲惡也桓公之盟不日皆爲惡邪莊十三年柯之盟不日爲信至

此日以爲美義相反也鄭君釋之曰柯之盟不日固
始信之自其後盟以不日爲平文從陽穀以來至此
葵丘之盟皆令諸侯以天子之禁桓德極而將衰故
備日以美之自此不復盟矣音義

爲見于僞反下賢
偏反復扶又反

疏

注釋曰十五年盟于牡丘而云不復盟矣
者以衣裳之會不復盟彼是兵車故也

葵丘之

盟陳牲而不殺注所謂無歆血之盟鄭君曰盟牲諸

侯用牛大夫用豕音義

軟本又作插所洽反
又所甲反豕音加

疏

釋曰陳牲

不殺則不得謂之盟若不殺牲又不得云讀書加于
牲上而傳云不殺者桓公信義之極見於此矣雖盟

而不軟血謂之不殺不殺者謂不如凡常之殺殺而不用直讀書而加于牲上而已注釋曰莊二十七年傳云衣裳之會十有一未嘗有軟血之盟也信厚也則衣裳之會皆不軟血而此會獨言之者以此會桓德極盛故詳其事實餘盟亦不軟血耳八年洮會云洮血與鄭伯者彼兵車之會故也徐邈云陳牲者不殺理之陳示諸侯而已加于牲上者亦謂活牲非死牲理亦通也此葵丘會為桓德盛故書日以美之又毋雍泉以下是四教之事而論語一匡天下鄭不據之而指陽穀者鄭據公羊之文故指陽穀其實此會亦有四教故上注云從陽穀已來至此葵丘之盟皆令諸侯以天子之禁是也注又引鄭君曰盟牲諸侯用牛大夫用羖者左傳云諸侯盟誰執牛耳又曰鄭伯使卒出羖是其證也

讀書加于牲

上壹明天子之禁注壹猶專也曰毋雍泉注專水利

以障谷音義

雍於勇反塞也障音章又之亮反

毋訖糴注訖止也謂

貯粟音義

糴音狄貯張呂反

毋易樹子注樹子嫡子毋以妾

爲妻毋使婦人與國事注女正位於內音義

與音豫

甲子晉侯詭諸卒注獻公也枉殺世子申生失德不葬

音義

說九委反左氏作侂枉紆往反

疏

注釋曰宋桓亦不葬至此言失德者今獻公枉殺申生即是失

德之例宋桓無罪之狀故范不得言之也公羊以爲桓公不書葬者爲宋襄公背殯出會不書葬若非背殯然也穀梁既譏宋子即不

是爲諱蓋魯不會故也

冬晉里克殺其君之子奚齊

傳其君之子云者國人不子也國人不子何也不正
其殺世子申生而立之也注諸侯在喪稱子言國人
不君之故繫于其君疏釋曰范云弑君日與不日從其君正與不正今奚齊書時
者爲未成君且又不正故也舊解諸侯在喪稱子今
國人不以爲君故不直謂之子而繫之于君也徐邈
云不子者謂不子愛之也非范意蓋
不子者謂不以爲君則是不子也

十年春王正月公如齊疏

釋曰何休云書月者善公朝事齊故月之朝既以時爲正

書月何以爲善蓋
爲下滅溫書月也

狄滅溫溫子奔衛

晉里克弑其君卓及其大夫荀息

傳以尊及卑也荀息閑也音義

車勅
角反

夏齊侯許男伐北戎

晉殺其大夫里克

傳稱國以殺罪累上也里克弑二君與一大夫注二

君奚齊卓子一大夫荀息其以累上之辭言之何也

注據有罪其殺之不以其罪也其殺之不以其罪奈

何里克所為弑者為重耳也注殺奚齊卓子者欲以

重耳爲君重耳夷吾兄文公音義

所爲于僞反下文皆同重直龍反殺

奚齊中志反又如字

夷吾曰是又將殺我乎故殺之不以其罪

也其爲重耳弑奈何晉獻公伐虢得麋姬獻公私之

有二子長曰奚齊稚曰卓子麋姬欲爲亂注亂謂殺

申生而立其子音義

麋姬力池反伐虢所得左氏伐麋戎所得長丁丈反稚直吏反

故謂君曰吾夜者夢夫人趨而來曰吾苦畏注夫人

申生母音義

苦如字又枯路反下同

胡不使大夫將衛士而衛

冢乎公曰孰可使曰臣莫尊於世子則世子可故君

謂世子曰麗姬夢夫人趨而來曰吾苦畏女其將衛
士而往衛冢乎世子曰敬諾築宮宮成麗姬又曰吾
夜者夢夫人趨而來曰吾苦饑世子之宮已成則何
爲不使祠也故獻公謂世子曰其祠世子祠已祠致
福於君君田而不在麗姬以醕爲酒藥脯以毒獻公
田來麗姬曰世子已祠故致福於君君將食麗姬跪
曰食自外來者不可不試也覆酒於地而地實注實

沸起也音義

女音汝下皆同祠自絲反醕直蔭反以
鳩鳥毛畫酒跪求委反覆芳服反實扶

粉反
注同

以脯與犬犬死麗姬下堂而啼呼曰天乎天乎

國子之國也子何遲於為君君喟然歎曰吾與女未

有過切注吾與女未有過差切急音義

呼火故反喟
去愧反又去

怪反差初賣

疏釋曰公信麗姬謂太子實將殺已故

反又如字

疏

喟然歎曰吾與汝為父子以來未嘗

有過差切急是何與我之深也
雖不對太子發歎而為此言也

是何與我之深也使

人謂世子曰爾其圖之世子之傅里克謂世子曰入

自明入自明則可以生不入自明則不可以生世子

曰吾君已老矣已昏矣吾若此而入自明明則麗姬

必死麗姬死則吾君不安所以使吾君不安者吾不
若自死吾寧自殺以安吾君以重耳爲寄矣注慮麗
姬又諧重耳故以託里克使保全之勿脰而死音義
刎亡粉反脰音豆頸也故里克所爲弑者爲重耳也夷吾曰是
又將殺我也

秋七月

冬大雨雪音義

雨于付反

十有一年春晉殺其大夫平鄭父音義

平浦悲反

傳稱國以殺罪累上也疏

釋曰重發傳者此里克同黨恐異故發之

夏公及夫人姜氏會齊侯于陽穀

秋八月大雩

傳雩月正也雩得雨曰雩不得雨曰旱注禮龍見而

雩常祀不書書者皆以旱也故得雨則喜以月爲正

也不得雨則書旱明旱災成何休曰公羊書雩者善

人君應變求索不雩則言旱旱而不害物言不雨也

就如穀梁說本不雩何以明之如以不雨明之設旱

而不害物何以別乎鄭君釋之曰雩者夏祈穀實之禮也旱亦用焉得雨書雩明雩有益不得雨書旱明旱災成後得雨無及也國君而遭旱雖有不憂民事者何乃廢禮本不雩禱哉顧不能致精誠也旱而不害物故以久不雨別之文二年十三年自十有二月自正月不雨至于秋七月是也穀梁傳曰歷時而言不雨文不閔雨也以文不憂雨故不如僖時書不雨文所以不閔雨者素無志於民性退弱而不明又見

時久不雨而無災耳音義

音于龍見賢徧反下同應變應對之應索所白反

別彼列反下同

疏

釋曰穀梁之例若常祀之雩則皆不書書者並是爲旱也若得

丁老反又丁報反

雨則書雩不得雨則書旱就書之中若八月九月雩則書月以見正何者八月九月其時窮人力盡故也

定元年九月大雩傳曰雩月雩之正也此秋八月雩

傳曰雩月正也是雩而雨者書月以見正昭二十五

年七月大雩亦書月者以一月再雩故月也餘月雩

者則書時以見非正爾成七年冬大雩傳曰雩不月

而時非之也冬無爲雩也又定元年傳曰秋大雩非

正也冬大雩非正也是餘月雩皆書時以見非正其

旱則例皆時何者旱必歲窮非一月之事故也則僖

二十一年夏大旱傳曰旱時正也宣七年秋大旱亦

蒙例可知也舊解八月雩雖不得雨亦不云旱也若

九月雩而不得雨則書旱傳言得雨曰雩指爲八月

也不得雨曰旱指謂九月也觀經傳上下全無此意其說非也又僖二十一年夏大旱范引傳例曰得雨曰雩不得雨曰旱豈是九月雩不得雨何爲亦書旱也注釋曰何休難此傳云雩而得雨曰雩故言設使元本不雩則何以明之也此傳又云不得雨曰旱故又難云就如穀梁書早則以不雨明之設使或旱而不害物則何以別之乎

冬楚人伐黃

十有二年春王正月庚午日有食之

夏楚人滅黃

傳貫之盟管仲曰江黃遠齊而近楚楚爲利之國也

若伐而不能救則無以宗諸侯矣注宗諸侯謂諸侯

宗之音義

貫古亂反遠于萬反近附近之近爲于僞反

桓公不聽遂與之

盟管仲死楚伐江滅黃桓公不能救故君子閔之也

注閔其貪慕伯者以致滅疏

釋曰案史記管仲之卒在桓公四十一年計桓

公四十一年當魯僖十五年而此云管仲死者蓋不取之史記之說云閔之也者閔其背楚致禍歸齊無福之意是不解經也

秋七月

冬十有二月丁丑陳侯杵臼卒

音義杵昌呂反

十有三年春秋侵衛

夏四月葬陳宣公

公會齊侯宋公陳侯衛侯鄭伯許男曹伯于鹹注鹹衛

地音義

鹹音咸

傳兵車之會也疏

釋曰何休於此有廢疾范不具載鄭釋者以數九會異於鄭故也

秋九月大雩

冬公子友如齊

十有四年春諸侯城緣陵注緣陵杞邑疏

注釋曰謂之城者封杞也

不發非國之問者從楚丘之例也不言城杞及遷亦從彼例也公羊以爲杞國爲徐莒脅滅故諸侯爲之城左氏以爲淮夷病杞故齊桓爲之城二傳說城之所由雖殊皆是爲杞也故范注亦云緣陵杞邑

傳其曰諸侯散辭也注直曰諸侯無小大之序是各

自欲城無總一之者非伯者所制故曰散辭聚而曰

散何也注據言諸侯城則是聚諸侯城有散辭也桓

德衰矣注言諸侯城則非伯者之爲可知也齊桓德

衰所以散也何休曰案先是盟亦言諸侯非散也又

穀梁美九年諸侯盟于葵丘即散何以美之邪鄭君

釋之曰九年公會宰周公齊侯宗子衛侯鄭伯許男
曹伯于葵丘九月戊辰盟于葵丘時諸侯初在會未
有歸者故可以不序今此十三年夏公會齊侯宗公
陳侯衛侯鄭伯許男曹伯于鹹而冬公子友如齊此
聘也書聘則會固前已歸矣今云諸侯城緣陵而不
序其人明其散桓德衰矣葵丘之事安得以難此音

義難乃
旦反

夏六月季姬及繒子遇于防使繒子來朝注遇例時此

非所宜遇故謹而月之音義

繒在稜反朝直遙反下文及注同

傳遇者同謀也注魯女無故遠會諸侯遂得淫通此

亦事之不然左傳曰繒季姬來寧公怒之以繒子不

朝遇于防而使來朝此近合人情音義

近如字又附近之近疏

釋曰傳例曰遇者志相得也今云同謀者以淫通與盟會異故發傳又云言使非正者婦人使夫異於君使世子故重發非正之例也來朝者來請已也注使來朝請已爲

妻朝不言使言使非正也以病繒子也

秋八月辛卯沙廉崩注沙廉晉山疏

釋曰公羊以沙廉爲河上之邑崩者

陷入地中杜預注左氏以爲山石
此傳以廐爲山足是三傳說異也

傳林屬於山爲廐注廐山足音義

屬之玉反

沙山名也無

崩道而崩故志之也其日重其變也注劉向曰廐在

山下平地臣象陰位也崩者散落背叛不事上之象

音義

背音佩

疏

釋曰決梁山崩不日也梁山崩亦壅河不書壅河者舉山崩爲重故也

狄侵鄭

冬蔡侯肸卒音義

肸許乞反

傳諸侯時卒惡之也音義

惡烏路反

疏

釋曰廐信云蔡侯肸父哀侯爲楚所

執肝不附中國而常事父讎故惡之而不書日也案
蔡侯自僖以來未與中國爲會則廩信之言是也不
書葬者或是失德
或是魯不會也

十有五年春王正月公如齊

楚人伐徐

三月公會齊侯宋公陳侯衛侯鄭伯許男曹伯盟于牡
丘注牡丘地名

偪兵車之會也

遂次于匡注救徐也時楚人伐徐匡衛地

傳遂繼事也次止也有畏也注畏楚疏

釋曰復發傳者前次于陘

欲綏楚以德今而畏楚故別發之

公孫敖帥師及諸侯之大夫救徐注諸侯既盟次匡皆

遣大夫將兵救徐故不復具列諸國音義

復扶又反

傳善救徐也疏

釋曰徐叛楚即齊旋爲楚所敗嫌救非善故發明之

夏五月日有食之注夜食疏

注釋曰莊公十八年傳云不言日不言朔夜食也是

以知之

秋七月齊師曹師伐厲注徐邈曰案齊桓末年用師及

會皆危之而月也于時霸業已衰勤王之誠替于初震
矜之容見於外禍釁既兆動接危理故月衆國之君雖
有失道未足爲一世興衰齊桓威攝羣后政行天下其
得失皆治亂所繫故春秋重而詳之錄所善而著所危

云爾音義

見賢徧反釁許靳反衰本
作喪息浪反治自吏反

疏

注釋曰何休以
爲葵丘之會桓

公震而矜之叛者九國此厲亦是叛者故伐之左氏以
爲厲是楚屬國故伐厲以及徐今范載徐言云震矜之
容見於外則與何休同也錄所善九年盟於葵丘著日
以極美足也著所危者此年書月以見衰是著所危

八月螽音義

螽音
終

傳螽蟲災也甚則月不甚則時疏

重發傳者嫌僖公憂民之重災不至

于甚故明之也

九月公至自會注莊二十七年傳曰桓會不致安之也而此致者齊桓德衰故危而致之

季姬歸于繒

己卯晦震夷伯之廟注夷謚伯字

傳晦冥也震雷也夷伯魯大夫也因此以見天子至于士皆有廟注明夷伯之廟過制故因此以言禮音

義

冥亡定反見賢徧反

疏

釋曰公羊以爲晦者爲晝日而晦冥震者雷也謂有雷擊夷伯之廟此傳

亦云晦冥也震雷也則不得從左氏爲月晦與公羊同矣公羊又以爲夷伯者季氏之信臣故震其廟以戒之今此傳歷言天子以下廟數以爲過制故震之與公羊異左氏以爲夷伯有隱慝故天命霹靂之亦與穀梁不同也

天子七廟注祭法曰王立七廟曰考廟王考

廟皇考廟顯考廟祖考廟有二祧遠廟稱祧音義

祧宅

免諸侯五注曰考廟王考廟皇考廟顯考廟祖考廟

大夫三注曰考廟王考廟皇考廟士二注曰考廟王

考廟故德厚者流光德薄者流卑注雍曰德厚者位

尊道隆者爵重故天子遠及七世士祭祖而已是以

貴始德之本也始封必爲祖注若契爲殷祖棄爲周

祖音義

契息列反

疏

釋曰鄭據禮記說云夏五廟則殷六廟周七廟故王制云天子七廟三昭

三穆與大祖之廟而七鄭注云此周制七者大祖廟及文武二祧與親廟四大祖謂后稷也殷則六廟契及湯與二昭二穆也夏則五廟無太祖禹與二昭二穆而已是其說也王制又云諸侯五廟二昭二穆與太祖而五鄭云太祖始封之君王者之後則不爲始封之君廟也又云大夫三廟一昭一穆與太祖之廟而三鄭云太祖別子始爵封者雖非別子始爵者亦然又云士一廟庶人祭于寢鄭云謂諸侯中士下士名曰官師者上士則二廟寢適寢也是禮與傳文合也唯祭法云大夫三廟曰考廟曰王考廟曰皇考廟

與王制一昭一穆與大祖其意少異者鄭答趙商祭
法大夫三廟是周之制而王制大夫三廟言與太祖
而三或當夏殷法不合於周禮也是解二者不同之
意祭法又云適士二廟官師一廟而王制云士一廟
者亦謂是中士下士者也若是上士亦當二廟故鄭
注王制云士一廟者諸侯之中士下士名曰官師者
也上士則二廟是也中士下士所以名爲官師者師
長也言爲一官之長也祭法又云庶人無廟故王制
亦云庶人祭寢是無廟也庶士者謂府史之屬也庶
人者謂平民也以其賤故無廟也光猶遠也卑猶近
也天子德厚故遠及七廟士之德薄故近及二廟因
其貴賤有倫故制爲等級也始謂受封之君所以貴
之者由是德之本也言有大德故受高位高位由
之而來故始封之君必爲祖矣祖謂廟不毀也由

冬宗人伐曹

楚人敗徐于婁林音義

敗必邁反下相敗同

注婁林徐地

傳夷狄相敗志也疏

釋曰夷狄相敗書文不具今起禍亂之原謹兵車之始故傳言

此以明之

十有一月壬戌晉侯及秦伯戰于韓注韓晉地獲晉侯

注獲者不與之辭諸侯非可相獲疏

注釋曰傳有明例注言之者嫌晉侯

失衆與秦得獲故注顯之欲明亦不與秦獲也范別例云凡書獲有七謂莒曄一也晉侯二也華元三也蔡公子濕四也陳夏齧五也齊國書六也麟七也於晉侯著失民之咎於蔡公子濕彰公子之病華元表得衆之辭莒曄顯公子之始自餘雖不發從省文可知也

傳韓之戰晉侯失民矣以其民未敗而君獲也

十有六年春王正月戊申朔隕石于宋五注劉向曰石

陰類也五陽數也象陰而陽行將致隊落音義

隕云敏反行下

孟反下陰行

疏注釋曰何休云石者陰德之專者也鷁者鳥中之耿介者皆有似宗襄公之行

同隊直類反

者鳥中之耿介者皆有似宗襄公之行

宗襄欲行霸事不納公子目夷之謀事事耿介自用卒

以五年見執六年終敗如五石六鷁之數天之與人昭

昭著明甚可畏也賈逵云石山岳之物齊大岳之脣而

五石隕宗象齊桓卒而五公子作亂宗將得諸侯而治

五公子之亂鷁退不成之象後六年霸業退也鷁水鳥

陽中之陰象君臣之訟閭也許慎異義載穀梁說云隕

石於宋五象宗公德劣國小陰類也而欲行霸道是陰

而欲陽行也其隕將拘執之象也是宗公欲以諸侯行

天子道也六鵷退者鄭玄云六鵷俱飛得諸侯之象也其退示其德行不進以致敗也得諸侯是陽行也被執敗是陰行也是二說與劉向合耳其何休賈逵之言竝是公羊左氏舊說非穀梁意也

傳先隕而後石何也注據莊七年星隕如雨先言星

後言隕隕而後石也注既隕後乃知是石于宋四竟

之內曰宋後數散辭也耳治也注隕石記聞也聞其

碩然視之則石察之則五音義竟音境治直吏反下目治同碩之人反又

大年反疏釋曰散辭也者對下聚辭也爲言此石散聲響也在宋四竟之內故後言其數以散辭言之

鵷則聚在宋都之上故先言其數以聚辭言之又云耳治也者謂隕石先以耳聞故先言隕鵷退先以目

見故先言數是各以聞見先後爲次注釋曰范取公
羊爲說彼傳云隕石記聞聞其礪然視之則石察之
則五是也礪字說文玉篇字林等無其字學士多讀
爲礪據公羊古本竝爲礪字張揖讀爲礪是石聲之
類不知出何書也

是月六鷦退飛過宋都注是月隕石之月劉向曰鷦陽
也六陰數也象陽而陰行必衰退音義鷦五
歷反

傳是月者決不日而月也注欲著石日鷦月故言是

月若不言是月則嫌與戊申同疏

釋曰傳言此者解經書是月之意言

鷦退不日而月故云是月明與石隕異日也若然案
桓十二年丙戌公會鄭伯盟于武父丙戌衛侯晉辛

若下事得蒙上日何爲彼經重舉丙戌者彼公盟必
須書日衛侯不正前見亦當書日經以衛侯不正而
恐不得蒙上日故書二日以明之此石隕鵲退是記
異之事恐蒙上日故言是月以別之知下事得蒙上
日者癸丑之卒得連日食之下叔弓之卒得
與祭同日是經舉一日得包兩日之驗也 六鵲退

飛過宗都先數聚辭也自治也注六鵲退飛記見也

視之則六察之則鵲徐而察之則退飛子曰石無知
之物鵲微有知之物石無知故日之注石無知而隕
必天使之然故詳而日之鵲微有知之物故月之注
鵲或時自欲退飛耳是以略而月之君子之於物無

所苟而已石鵠且猶盡其辭而況於人乎故五石六鵠之辭不設則王道不亢矣注不遺微細故王道可

舉音義

亢苦浪反

民所聚曰都

三月壬申公子季友卒

傳大夫日卒正也疏

釋曰傳發之者益師明其有罪此則顯其得正故兩明之也

稱公弟叔仲賢也大夫不言公子公孫疏之也注季

友桓公之子疏

釋曰傳因季友之賢發起其例也叔仲賢而稱弟季友不稱弟稱字賢可

知也以兄先死故不得稱弟耳不言公子公孫疏之者謂仲遂嬰齊之等是也又公孫茲發日卒之傳者

以其名而不字又非罪非賢故重發之仲遂非賢而稱字者彼既不言公子以疏之唯宣公嘉之而稱字無嫌是賢故也

夏四月丙申繒季姬卒

秋七月甲子公孫茲卒

傳大夫日卒正也

冬十有二月公會齊侯宋公陳侯衛侯鄭伯許男邢侯

曹伯于淮音義

淮音懷

傳兵車之會也

十有七年春齊人徐人伐英氏音義

英於京反

夏滅項

傳孰滅之桓公也何以不言桓公也注據莊十年齊

師滅譚稱齊師音義

項戶講反國名也齊滅之左氏以爲魯滅

爲賢者諱

也項國也不可滅而滅之乎桓公知項之可滅也注

知政昏亂易可滅音義

爲于僞反下爲之諱同易以豉反

而不知已

之不可以滅也注霸者存恤鄰國抑彊輔弱義不可

滅人之國既滅人之國矣何賢乎君子惡惡疾其始

注絕其始則得不終於惡邵曰謂疾其初爲惡之事

不終身疾之音義

惡惡竝如字又上烏路反

善善樂其終注樂賢

者終其行也邵曰謂始有善事則終身善之音義

行下

孟疏

釋曰言此者解爲齊桓諱滅項之意惡惡疾其始謂君子憎惡惡人則疾其初始何者欲使惡

人不得終於惡故就其初始即貶疾之也善善樂其終謂君子善其善人樂使終其行也以樂終其行故雖有惡亦爲諱之或齊雖滅項亦不言齊滅也邵解二事竝與范異君子惡惡疾其始者君子憎惡人有惡事唯疾其初始爲惡不終身疾也言有惡則疾之無惡則止也善善樂其終者君子嘉善人則欲終身善之見人一度有善則終身桓公嘗有存亡繼絕之不忘故爲齊桓諱滅項也

功故君子爲之諱也注邵曰存亡謂存邢衛繼絕謂立僖公所以終其善

秋夫人姜氏會齊侯于卞注卞魯地音義

卞皮彦反

九月公至自會注桓會不致而今致會桓公德衰威信不著陳列兵車又以減項往會既非踰年乃反故往還皆月以危之

冬十有二月乙亥齊侯小白卒

傳此不正其日之何也注據二十四年晉侯夷吾卒

不書日其不正前見矣其不正之前見何也以不正入虛國故稱嫌焉爾注莊九年齊小白入于齊貶不稱公子虛國謂齊無人傳例曰以國氏者嫌也音義

見賢徧

反下同

十有八年春王正月宋公曹伯衛人邾人伐齊

傳非伐喪也注伐喪無道故謹而月之疏

注釋曰侵伐書月唯

施於內今亦施之於外者齊桓以安危所繫故書月以表之宋襄欲繼齊桓之業故亦謹而月之

夏師救齊注魯師

傳善救齊也

五月戊寅宗師及齊師戰于甌注甌齊地音義

甌魚輦反又音

言

齊師敗績

傳戰不言伐客不言及言及惡宗也注何休曰戰言

及者所以別客主直不直也故文十二年晉人秦人

戰于河曲兩不直故不云及今宗言及明直在宗非

所以惡宗也即言及爲惡是河曲之戰爲兩善乎又

穀梁以河曲不言及略之也則自相反矣鄭君釋之

曰及者別異客主耳不施於直與不直也直不直自

在事而已義兵則客直宣十二年夏晉荀林父帥師

及楚子戰于邲晉師敗績是也兵不義則主人直莊

二十八年春衛人及齊人戰衛人敗績是也今齊桓

卒未葬宗襄欲興霸事而伐喪於禮尤反故反其文

以宗及齊即實以宗及齊明直在宗邲之戰直在楚

不以楚及晉何邪秦晉戰于河曲不言及疾其亟戰

爭舉兵故略其先後音義

惡烏路反下同別彼列反下同邲蒲必反一音弼亟

欺冀

疏

釋曰春秋之例戰伐不竝舉此上有伐文今反言戰者是違常例也又伐人者為客受伐

者為主此言及齊師是亦違常例也故傳釋之以為惡宗也注釋曰何休廢疾云此言及為惡宗則文十二年河曲之戰不言及為兩善也故知言及者分別客主直與不直也鄭玄釋之曰言及者別異客主耳不施直與不直也故引宣十二年夏莊二十八年春以明之宣十二年邲之戰楚直晉曲經云荀林父及楚子莊二十八年衛直齊曲而云衛人及齊明直者在事而已不由稱及也穀梁邲戰竟不論楚直晉曲而鄭云直在楚者公羊意以為邲戰是楚直故據之難何休

狄救齊

傳善救齊也疏

釋曰此與上文魯師救齊竝為善者此善狄能憂中國上文以魯昔與齊

仇讎忍救之非善故
竝發善救之例也

秋八月丁亥葬齊桓公注豎刁易牙爭權五公子爭立

故危之音義

刁音雕

冬邢人狄人伐衛

傳狄其稱人何也善累而後進之注累積伐衛所以
救齊也注何休曰即伐衛救齊當兩舉如伐楚救江
矣又傳以爲江遠楚近故伐楚救江今狄亦近衛而
遠齊其事一也義異何也鄭君釋之曰文三年冬晉

陽處父帥師伐楚救江兩舉之者以晉未有救江文
故明言之今此春宋公曹伯衛人邾人伐齊夏狄救
齊冬邾人狄人伐衛爲其救齊可知故省文耳事同
義又何異音義近衛如字又附近之近遠齊如字又于萬反爲其于僞反省所景反**功**
近而德遠矣注伐衛功近耳夷狄而憂中國其德遠也

春秋穀梁注疏卷八

春秋穀梁傳注疏卷八考證

鄭殺其大夫申侯傳稱國以殺大夫殺無罪也○

臣召

南按穀梁之例然耳推尋經文惟陳殺洩冶晉殺趙

同趙括蔡殺公子燮楚殺卻宛灼然爲殺無罪他如

晉里克平鄭父楚得臣衛元咺晉卻錡卻犇卻至胥

童楚公子追舒衛甯喜鄭公孫黑之流經皆稱國以

殺不得云殺無罪也据左傳申侯專利而不厭亦豈

全無罪乎

公會王人齊侯宋公衛侯許男曹伯陳世子款盟于洮
傳疏朝服者天子則皮弁云云一段○監本誤刊于
鄭伯乞盟傳注下今改正

禘于太廟用致夫人○

臣召南

按此傳指成風左傳以

爲哀姜公羊以爲僖公之夫人姜氏本齊媵女之先
至者脅公立爲夫人其說尤爲怪誕大約穀梁之說
是

伯姬卒傳疏襄三十年葬宗共姬是也○監本誤作宗

葬共姬今改正

傳葵丘之盟陳牲而不殺疏其實此會亦有四教○臣

名南

按公羊僖三年會于陽穀桓公曰無障谷無貯粟無易樹子無以妾爲妻所謂四教也穀梁於此會則曰毋雍泉毋訖糴毋易樹子毋以妾爲妻毋使婦人與國事大意同公羊而多毋使婦人與國事一句實是五教也

晉殺其大夫里克傳吾若此而入自明○監本脫吾字

今增

秋八月大雩傳疏是雩而雨者書月以見正○監本誤作雨者雩者今改正

楚人滅黃傳管仲死楚伐江滅黃桓公不能救故君子閔之也疏案史記管仲之卒計桓公四十一年當魯僖十五年而此云管仲死者蓋不取之史記之說○

臣名南

按穀梁謂管仲既死桓公霸業不終但史記以管仲之卒在齊桓公四十一年當僖十五年考據

必確左傳雖無管仲卒年月明文然僖十七年齊侯
小白卒傳曰公與管仲屬孝公於宋襄公以爲太子
雍巫因寺人貂以薦羞於公有寵公許立武孟管仲
卒五公子皆爭求立冬十月乙亥齊桓公卒云云是
由五公子爭立追敘管仲既卒非謂仲卒於十七年
也總之在十二年仲必未卒左傳是冬齊侯使管仲
平戎於王王以上卿之禮享仲仲受下卿之禮而還
是冬仲固無恙也宋襄公嗣位在僖九年即與葵丘

之會時未終喪經書宋子桓公與仲屬立孝公當不
在此時其後數年齊宗並無會盟之事惟十三年會
于鹹十四年城緣陵十五年盟牡丘次于匡齊宗並
在疑屬立孝公當在此時也後人見此數年中霸業
不振斷謂仲必前卒不知齊桓公末年小人雜進任
仲亦必不如初年雍巫因寺人貂以干進雖不知確
在何年而寺人貂漏師多魚在僖二年當霸業方盛
之日則嬖幸竊權久矣小人害霸管仲臨卒尚為桓

公言之又烏知仲卒不在十五年如史記所云乎

八月螽傳疏重發傳者云云一段○監本誤刊于下文
公至自會注下今改正

震夷伯之廟傳震雷也疏謂有雷擊夷伯之廟○夷伯
監本誤作伯夷今改正

隕石于宋五疏何休云鷁者鳥中之耿介者○鷁監本
誤作鷁疏既引公羊注當依原文作鷁今改正

傳先隕而後石何也疏故先言隕○監本作故言先言

隕上言字衍今刪

六鵠退飛過宋都○六鵠監本誤作六鷁按穀梁經自作鵠惟公羊作鷁今改正

師及齊師戰于廟傳疏不施直與不直也○推尋文義不施下當有一於字

春秋穀梁傳注疏卷八考證



覆校官編修臣蕭際韶

校對官檢討臣王鍾健

謄錄舉人臣王旭暢

欽定四庫全書薈要

經部

穀梁注疏卷九

十九



春秋穀梁注疏卷九

起僖公十九年
盡三十三年

晉范甯集解

唐陸德明音義

楊士勛疏

十有九年春王三月宋人執滕子嬰齊疏

釋曰傳法並不解稱名之

罪也

夏六月宋公曹人邾人盟于曹南注曹南曹之南部
子會盟于邾已酉邾人執繒子用之

傳微國之君因邾以求與之盟注與厠豫也音義

與音

豫注及疏釋曰言會盟于邾者繒是微國
下文同 欲因邾以求盟故云會盟也

人因已以

求與之盟已迎而執之惡之故謹而日之也用之者

叩其鼻以衄社也注衄者釁也取鼻血以釁祭社器

音義

惡烏路反下惡其長
同叩音口衄音二

疏

釋曰此與昭公十一年
冬十有一月丁酉楚師

滅蔡執蔡世子友以歸用之皆惡其用人故不據國
之大小同書日以見惡也叩其鼻者論語云以杖叩

其脛則叩

謂擊也

秋宋人圍曹

衛人伐邢

冬會陳人蔡人楚人鄭人盟于齊注會無主名內卑者也四國稱人外卑者也杜預曰地於齊齊亦與盟

梁亡

傳自亡也湏於酒淫於色心昏耳目塞上無正長之治大臣背叛民為寇盜梁亡自亡也如加力役焉湏不足道也注如使伐之而滅亡則淫湏不足記也使

其自亡然後其惡明音義

湏面善反長丁丈反下及注同治直吏反背音佩

疏釋曰左氏以為秦滅梁惡其自取滅亡之故不以秦滅為文公羊以為魚爛而亡謂梁君隆刑峻法

百姓逃叛而事等魚爛從中而去也此傳亦云大臣
背叛民為寇盜則同公羊梁國亦自亡也又如加力
役焉酒不足道也則梁之土地必為人所取
蓋同左氏秦得之但據自滅為文少異耳

梁亡鄭

棄其師我無加損焉正名而已矣梁亡出惡正也注

正謂政教疏

釋曰仲尼修春秋亦有改舊義以見褒貶者亦有因史成文以示善惡者其變

之也不葬有三為齊桓諱滅項之類是改舊也其梁以自滅為文鄭棄其師之徒是因史之文也故傳云

我無加損焉

鄭棄其師惡其長也注長謂高克

正名而已矣

二十年春新作南門

傳作為也有加其度也注更加使大言新有故也非

作也注責其改舊制南門者法門也注法門謂天子

諸侯皆南面而治法令之所出入故謂之法門音義

治直

吏反

夏部子來朝音義

部古
報反

五月乙巳西宮災

傳謂之新宮則近為禰宮注言閔公非僖公之父故

不言新宮也音義

近附近之近禰
乃禮反父廟也

以謚言之則如疏

之然注故不言閔宮而云西宮以是為閔宮也疏

釋曰

傳知之者以若是禰宮當言新宮若是疏祖之宮又須言謚此在親疏之間故知是閔宮也

鄭人入滑

秋齊人狄人盟于邢

傳邢為主焉爾邢小其為主何也其為主乎救齊注

十八年邢人狄人伐衛以救齊是也疏

釋曰盟會地于國都者國

主雖與盟會未知即能為主桓十四年公會鄭伯于曹曹不為主是也而傳云邢為主焉爾又辨其大小者傳以十八年邢人狄人伐衛以救齊今又盟于邢故知為主也又云邢小者以邢雖是小國為主能救齊故歸功于邢不謂盟國都者例能為主耳

冬楚人伐隨

傳隨國也疏

釋曰按世本隨是國名經文言伐知非邑也

二十有一年春秋侵衛

宋人齊人楚人盟于鹿上注宋為盟主故序齊上鹿上

宋地

夏大旱注傳例曰得雨曰雩不得雨曰旱

傳旱時正也疏

釋曰旱必歷時非一月之事故書時為正也

秋宋公楚子陳侯蔡侯鄭伯許男曹伯會于雩注雩宋

地雩或為宇執宗公以伐宗

傳以重辭也注傳例曰以者不以者也此傳及定七

年齊人執衛行人北宮結以侵衛傳皆曰以重辭也

然則以有二義矣國之所重故曰重辭疏

釋曰桓十四年宋人

以齊人蔡人云云伐鄭傳曰以者不以者也今傳云以重辭也何知非是一事而重不可以范注云以有二義者范以執宗公及執衛結皆是國之所重而傳云以重辭也其微人從伐者即云以者不以者也明二者意異故云以有二義

冬公伐邾

楚人使宜申來獻捷音義

捷在接反

注楚稱人者為執宗公

貶音義

為于疏偽反

注釋曰知為執宗公貶者以稱使知是楚子使之國君而稱人明為執宗公貶

也

傳捷軍得也其不曰宋捷何也注據莊三十一年齊

侯來獻戎捷疏

注釋曰彼傳云戎菽也則與此宋捷絕不相當而范引之者彼雖以戎為

菽終是伐得之故范引為證也

不與楚捷於宋也注不與夷狄捷中

國

十有二月癸丑公會諸侯盟于薄注會雩之諸侯釋宋

公

傳會者外為主焉爾外釋不志此其志何也以公之
與之盟目之也不言楚不與楚專釋也注何休曰春
秋以執之為罪不以釋之為罪責楚子專釋非其理
也公羊以為公會諸侯釋之故不復出楚耳鄭君釋
之曰不與楚專釋者非以責之也傳云外釋不志此
其志何也以公之與之盟目之也言公與諸侯盟而
釋宋公公有功焉與公羊義無違錯音義

復扶疏釋
又反

重發之者以釋者是公嫌會
非是外為主故發例以明之

二十二年春公伐邾取須句

音義句其俱反

夏宋公衛侯許男滕子伐鄭

秋八月丁未及邾人戰于升陘

音義陘音邢

注升陘魯地

傳內諱敗舉其可道者也不言其人以吾敗也不言

及之者為內諱也

音義為于偽反

疏釋曰不言其人以吾敗也謂不言邾之主

名也不言及者為內諱也謂不言魯之主名也與桓十七年解異者觀經為說不可執文也

冬十有一月己巳朔宋公及楚人戰于泓

音義泓烏宏反

宋

師敗績

傳曰事遇朔曰朔春秋三十有四戰未有以尊敗乎卑以師敗乎人者也以尊敗乎卑以師敗乎人則驕其敵襄公以師敗乎人而不驕其敵何也責之也泓之戰以為復雩之恥也注前年宋公為楚所執雩之恥宋襄公有以自取之伐齊之喪執滕子圍曹為雩之會不顧其力之不足而致楚成王成王怒而執之故曰禮人而不答則反其敬愛人而不親則反其仁

治人而不治則反其知過而不改又之注又復音義

知音智又如字復扶又反

是謂之過襄公之謂也古者被甲嬰冑

非以興國也則以征無道也豈曰以報其恥哉宋公

與楚人戰于泓水之上司馬子反曰楚衆我少鼓險

而擊之勝無幸焉注若要而擊之必可破非僥倖也

音義

被皮既反冑而救反司馬子反左傳疏釋曰虞作子魚要於遙反僥古亮反倖音幸信云子

反當為子夷未審范意然不勝無幸者以小敵大恐其不若克之不名微幸也

襄公曰君子

不推人危不攻人厄須其出注須其出險音義

推如字又

它回反

既出旌亂於上陳亂於下子反曰楚衆我少擊

之勝無幸焉襄公曰不鼓不成列注列陳音義

陳直反

須其成列而後擊之則衆敗而身傷焉七月而死注

何休曰即宋公身傷當言公不當言師成十六年楚

子敗績是也又成十六年傳曰不言師君重于師也

即成十六年是二十二年虛言也即二十二年是十

六年非也鄭君釋之曰傳說楚子敗績曰四體偏斷

此則目也此言君之目與手足有破斷者乃為敗矣

今宋襄公身傷耳當持鼓軍事無所害而師猶敗故

不言宋公敗績也傳所以言敗衆敗身傷焉者疾其

信而不道以取大辱疏

釋曰此云七月而死則是身傷不云宋公敗績者鄭玄云

非四體偏斷又非傷目故依常例稱師也

倍則攻敵則戰少則守人之所

以為人者言也人而不能言何以為人言之所以為

言者信也言而不信何以為言信之所以為信者道

也信而不道何以為道道之貴者時其行勢也注凱

曰道有時事有勢何貴於道貴合於時何貴於時貴

順於勢宋公守匹夫之捐介徒蒙恥於夷狄焉識大
通之方至道之術哉音義攻如字又音貢守如字又
手又反捐音絹介音界焉
於度疏注釋曰老子至道之人猶曰以正治國以奇
用兵今宋襄國弱於楚而行敵戰之禮故傳
識其師敗身傷注謂
之不識至道之術也

二十有三年春齊侯伐宋圍閔

傳伐國不言圍邑此其言圍何也不正其以惡報惡
也注前十八年宋伐齊之喪是惡也今齊乘勝而報

是以惡報惡也音義

閔左氏作緡二十
五年楚圍亦同

夏五月庚寅宋公茲父卒

傳不葬何也失民也其失民何也以其不教民戰則是棄其師也為人君而棄其師其民孰以為君哉注何休曰所謂教民戰者習之也春秋貴偏戰而惡詐戰宋襄公所以敗于泓者守禮偏戰也非不教其民也孔子曰君子去仁惡乎成名造次必於是顛沛必於是未有守正以敗而惡之也公羊以為不書葬為襄公諱背殯出會所以美其有承齊桓尊周室之美

志鄭君釋之曰教民習戰而不用是亦不教也詐戰
謂不期也既期矣當觀敵為策倍則攻敵則戰少則
守今宋襄公于泓之戰違之又不用其臣之謀而敗
故徒善不用賢良不足以興霸主之功徒言不知權
誦之謀不足以交鄰國會遠疆故易譏鼎折足詩刺
不用良此說善也**音義**

而惡為路反下而惡同惡乎
音烏造七報反沛音貝為衆

于偽反背音佩誦音決
折之設反刺七賜反

疏

釋曰何休曰春秋貴偏戰
者謂各守一偏而戰也鄭

玄云易譏鼎折足詩刺不用良者鼎折足是鼎卦九
四爻辭彼云鼎折足覆公餗其形渥凶王弼云處上

體之下而又應初既承且施非己所堪若鼎足小細而任重故折足也鼎足既折則覆餗矣餗謂鼎之實實覆則沾渥其形以喻不勝其任身被戮辱故凶也此襄公是其事也故曰鼎折足也初已出否至四所盛則已潔矣故曰覆公餗也渥沾濡之貌也既覆公餗體為渥沾智小謀大不堪其任受其至尊災及其身故曰其形渥凶也鼎卦巽下離上☲馬融云餗謂廢也詩刺不用良者謂鄭忽不能與賢人圖事以至死亡故詩作狡童揚之水二篇刺之故詩序云云狡童刺忽也不能與賢人圖事權臣擅命也揚之水閔無臣也君子閔忽之無忠臣良士終以死亡而作是詩也

秋楚人伐陳

冬十有一月杞子卒注莊二十七年稱伯今稱子蓋為

時王所黜

二十有四年春王正月

夏狄伐鄭

秋七月

冬天王出居于鄭注襄王也天子以天下為家故所在稱居

傳天子無出出失天下也注王者無外言出則有外之辭江熙曰天子必巡守然後行故河陽之守全天

王之行也平王東遷其詩不能復雅而列為國風襄
王奔鄭不得全天王之行則與諸侯不異故書出也

夫子祖述堯舜憲章文武斯文是作不以道假人傳

言失天下闕然如有未備音義

守手又反下同行如字或下孟反下同復

扶又

疏

注釋曰舊解江熙此言明夫子之修春秋雖

反

疏

憲章前代亦不可全與前代齊錄故云夫子

祖述堯舜憲章文武言堯舜有巡守之禮文武有省
方之制故仲尼因襄王之守全天子之行是亦祖述
憲章也斯文是作不以道假人者謂若全天子之行
憲章前代是不以道假借人也但襄王與諸侯不異
不可復全天子之行故書出以表之也明夫子雖欲
尊王者同之先代以周德闕然未備不可同之故遂

以此道借人也或以為夫子所以書王出者祖述堯舜憲章文武斯文是作不以道借人王德既闕不可復全其行故書出以表其失天下也

居者居其所也雖失天下莫敢有也注邵曰雖實出奔而王者無外王之所居則成王畿鄭不敢有之以為國

晉侯夷吾卒注傳曰諸侯時卒惡之不書葬墓文公而

立失德音義

惡烏路反
墓初患反

二十五年春王正月丙午衛侯燬滅邢

傳燬之名何也注據宣十二年楚子滅蕭不名音義

煨况
委反

不正其伐本而滅同姓也注絕先祖支體尤重

故名以甚之疏

釋曰衛與邢同姬姓今衛滅邢則是絕先祖支體故謂之伐本也

夏四月癸酉衛侯燬卒

宋蕩伯姬來逆婦注伯姬魯女為宋大夫蕩氏妻也自

為其子來迎婦音義

自為于偽反
下為祖同

傳婦人既嫁不踰竟宋蕩伯姬來逆婦非正也其曰

婦何也緣姑言之之辭也疏

釋曰復發傳者嫌為
求婦為禮故發之

宋殺其大夫

傳其不稱名姓以其在祖之位尊之也注何休曰曹

殺其大夫亦不稱名姓豈可復以為祖乎鄭君釋之

曰宋之大夫盡名姓禮公族有罪刑于甸師氏不與

國人慮兄弟也所以尊異之孔子之祖孔父累於宋

殤公而死今骨肉在其位而見殺故尊之隱而不忍

稱名氏若罪大者名之而已使若異姓然此乃祖之

疏也曹殺其大夫自以無大夫不稱名氏耳春秋辭

同事異者甚多隱去即位以見讓莊去即位為繼弒

是復可以此例非之乎音義

復扶又反句扶偏反累劣偽反去起呂反下同

以見賢偏反為繼

疏

注釋曰異姓稱名疏而詳已同姓不名親而略之若名氏具備

而見其疏則見異姓同非尊祖之事故曰疏之也古本或作禮之疏者言同姓與異姓不別則於禮法為疏也理亦通耳以本不定故兩解之

秋楚人圍陳納頓子于頓

傳納者內弗受也圍一事也納一事也而遂言之注

怪其異事而辭相連有似遂事之辭蓋納頓子者陳

也注圍陳使納頓子疏

釋曰按廢疾云休以為即陳納之當舉陳何以不言陳鄭

君釋之曰納頓子固宜為楚也穀梁子見經云楚人
圍陳納頓子于頓有似晉陽處父伐楚救江之文故
云蓋陳也是鄭意亦同
范說圍陳使納頓子也

葬衛文公

冬十有二月癸亥公會衛子莒慶盟于洮注衛稱子在
喪洮魯地

傳莒無大夫其曰莒慶何也以公之會目之也注小

國無大夫以公與會故進之時有衛子則無敵公之

嫌音義

與會如字
一音預

二十有六年春王正月己未公會莒子衛甯速盟于向

注向莒地音義

向舒亮反

傳公不會大夫其曰甯速何也以其隨莒子可以言會也

齊人侵我西鄙公追齊師至雋弗及

傳人微者也侵淺事也公之追之非正也至雋急辭

也注以急辭言之明不至雋音義

雋音攜又似克反

疏

釋曰文承

追齊師之下即云至雋是急辭也據文與公追戎于濟西異也案莊十八年公追戎于濟西傳稱不使戎

邇於我也今舉齊侵是以難近國而亦云大之也者
彼以戎有徒衆故大公所追此以公之不及故亦言
大之也然彼不言戎之伐我此云齊人侵我者彼是
戎狄不使之近我似若望風退走然此齊是中國侵
又淺事故舉之以
弗及者弗與也注弗與戰也可以
見公追非正也

及而不敢及也注畏齊師其侵也曰人其追也曰師
以公之弗及大之也注大之謂變人言師弗及內辭
也注弗及者若曰我自不及耳非齊不可及

夏齊人伐我北鄙

衛人伐齊

公子遂如楚乞師

傳乞重辭也注雍曰人道施而不有讓而不取故以

乞為重音義

施舒疏釋曰此是乞師之
鼓反始故發傳以明之

何重焉重人

之死也非所乞也師出不必反戰不必勝故重之也

秋楚子滅夔以夔子歸音義

夔求
適反

傳夔國也不日微國也以歸猶愈乎執也疏

釋曰滅
國有三

街中國日卑國月夷狄時此是夷狄之微國故從時
例而傳言微國也以明之也案戎伐凡伯以歸不言
執者尊天子之使不與夷狄之執今夷狄自相執經
言以歸傳云猶愈乎執也者彼尊凡伯使一人當一

國故變執言以歸諸侯相執以歸者例不得言
執故傳云以歸猶愈乎執也明經止得言以歸

冬楚人伐宋圍閔

傳伐國不言圍邑此其言圍何也以吾用其師目其

事也非道用師也注楚人出師為魯伐齊而中道以

伐宋故伐圍兼書所以責楚音義為于偽反中如字又丁仲反疏

釋曰傳解經并言圍伐之意也言楚人為我伐齊而
中道更伐宋故兼圍伐目其事所以責楚中道用師

非訓為責也

公以楚師伐齊取穀

傳以者不以者也民者君之本也使民以其死非其

正也注雍曰兵不祥之器不得已而用之安有驅民

于死地以共假借之役乎音義

共音恭本又作供假音嫁又古雅反借子

夜反又

疏

釋曰重發傳者彼據子亦反外此據內故重詳之

公至自伐齊

傳惡事不致此其致之何也危之也注以蠻夷之師

伐鄰近大國招禍深怨危亡之道疏

釋曰莊六年秋公至自伐衛傳

曰惡事不致此其致何也不致則無用見公惡事之成也與此文不同者互文以起義其實不異彼明惡

事之成此亦明之此云危之也則彼亦危之可知也

二十有七年春杞子來朝音義

朝直逢反

夏六月庚寅齊侯昭卒音義

昭或作照非

秋八月乙未葬齊孝公

乙巳公子遂帥師入杞

冬楚人陳侯蔡侯鄭伯許男圍宋

傳楚人者楚子也其曰人何也人楚子所以人諸侯也其人諸侯何也不正其信夷狄而伐中國也注何

休曰哀元年楚子陳侯隨侯許男圍蔡不稱人明不以此故也鄭君釋之曰時晉文為賢伯故譏諸侯不從而信夷狄也哀元年時無賢伯又何據而當貶之耶甯謂定哀之世楚彊盛故諸侯不得不從耳江熙曰夫屈信理對言信必有屈也宋楚戰于泓宋以信義而敗未有闕也楚復圍之夫三人行必有我師諸侯不能以義相師反信楚之曲屈宋之直是義所不取信曲屈直猶不可況乃華夷乎楚以亡義見貶則

諸侯之不從不待貶而見也然則四國信楚而屈宋

春秋屈其信而信其屈貶楚子于兵首則彼碌碌者

以類見矣故曰人楚子所以人諸侯音義

信音申注除宋以信

義一字皆同音申或諸依字者非也

疏

注釋曰鄭云

亡音無一音如字見賢偏反碌音碌

無賢伯范言

楚盛者二者相接也為當時無賢伯楚又疆盛故諸侯不得不從也素泓之戰殺梁意譏宋公江熙云宋以信義而敗未有闕者據宋不能量敵疆弱致師敗身傷故譏之其於信義實未有所闕而楚復圍之故貶楚子也公羊以為稱人者為執宋公貶故終僖之篇貶之杜預解云楚以微者告並與殺梁異也

十有二月甲戌公會諸侯盟于宋注地以宋者則宋得

與盟宋圍解可知音義

與音豫解如字又胡解反疏注釋曰左氏之意公會諸侯盟

于宋宋不與盟何休與范皆云地以宋則宋得與盟二傳以無晉救宋之文故與左氏異也

二十有八年春晉侯侵曹晉侯伐衛

傳再稱晉侯忌也注鄭嗣曰曹衛並有宿怨于晉君

子不念舊惡故再稱晉侯以刺之音義

刺七賜反下文及注同

公子買戍衛不卒戍刺之注刺殺也內諱殺大夫故謂

之刺蓋取周禮三刺之法

傳先名後刺殺有罪也公子啟曰不卒戍者可以卒

也可以卒而不卒譏在公子也刺之可也注公子啟

魯大夫疏

釋曰舊解云子啟即公子偃啟書曰者啟無罪今買書時者是買有罪也今觀上下

文勢理恐不然何者此傳上云先名後刺下文云不卒成者可卒也本非釋時日之意何為公子啟一句獨論日月之事若以穀梁專釋經不論人語之事何為襄二十三年傳云蘧伯玉曰不以道事其君者其出乎豈得謂蘧伯玉曰又不足是人言也故知舊解非耳

楚人救衛

三月丙午晉侯入曹執曹伯畀宋人

傳入者內弗受也日入惡入者也以晉侯而斥執曹

伯惡晉侯也注惡其忌怨深音義

界必利反與也下及注同惡烏路反

下文及注同

疏

釋曰前已有傳重發之者以晉文初霸嫌得入中國故發傳以明之

界與也

其曰人何也不以晉侯界宋公也注界上與下之辭

故不以侯界公哀四年夏晉人執戎蠻子赤歸于楚

使楚子治其罪今執曹伯不言歸于宋而言與宋人

者是使宋公拘執之

夏四月己巳晉侯齊師宋師秦師及楚人戰于城濮楚師敗績楚殺其大夫得臣

衛侯出奔楚

五月癸丑公會晉侯齊侯宋公蔡侯鄭伯衛子莒子盟
于踐土注衛稱子者時衛侯出奔國更立君非王命所
加未成君故曰子踐土鄭地

傳諱會天王也注實會天王而文不言天王若諸侯
自共盟然是諱之也所謂譎而不正

陳侯如會

傳如會外乎會也於會受命也注外乎會不及序也

受命于會故書如會

公朝于王所

傳朝不言所言所者非其所也注非京師朝疏

釋曰公如

京師亦不言朝直決不言所者如即是內朝之常文故直解不言所而已如既是常文此言朝者以其非京師故以違例言之

六月衛侯鄭自楚復歸于衛

傳自楚楚有奉焉爾復者復中國也注中國猶國中

也疏

釋曰發傳者自楚嫌與中國異也

歸者歸其所也鄭之名失國

也疏

釋曰重起失國之例者以鄭非大罪故出奔不名惡其藉楚之力故入名以表失國嫌出入異

故傳

發之

衛元咺出奔晉

陳侯款卒

秋杞伯姬來注莊公女來歸寧

公子遂如齊注聘也

冬公會晉侯宋公蔡侯鄭伯陳子莒子邾子秦人于溫

注陳稱子在喪也

傳諱會天王也注復致天子音義

復扶又反

天王守于河陽注河陽晉地音義

守音狩下同

傳全天王之行也注時實晉文公召王以臣召君不

可以訓因天子有巡守之禮故以自行為文音義

行如

字或下孟反

為若將守而遇諸侯之朝也為天王諱也水

北為陽山南為陽溫河陽也注日之所照曰陽音義

為天子

偽反

壬申公朝於王所

傳朝於廟禮也於外非禮也注諸侯朝王王必於宗

廟受之者蓋欲尊祖禰共其榮獨公朝與諸侯盡朝

也其日以其再致天子故謹而日之主善以內目惡

以外注主善以內謂公朝于王所目惡以外言再致

天子音義

與音餘

言曰公朝逆辭也而尊天子注鄭嗣

曰若公朝于廟則當言公如京師而今言公朝是逆

常之辭雖逆常而曰公朝王所是尊天子疏

釋曰公若朝於

廟當云如也今逆常故言朝也朝雖逆常之辭言公朝於王所仍是敬王室之事故云而尊天子

會

于溫言小諸侯溫河北地以河陽言之大天子也注
溫河陽同耳小諸侯故以一邑言之尊天子故以廣
大言之日繫於月月繫於時壬申公朝於王所其不
月失其所繫也以為晉文公之行事為已慎矣注以
臣召君慎倒上下日不繫于月猶諸侯不宗于天子

音義

慎都田反
倒丁老反

晉人執衛侯歸之于京師

傳此入而執其不言入何也不外王命於衛也注入

者自外來伯者以王命討衛衛王之土故曰不外王
命歸之于京師緩辭也斷在京師也注辭間容之故
言緩音義斷丁疏釋曰據成十五年晉侯執
亂反疏曹伯歸于京師不言之

衛元咺自晉復歸于衛

傳自晉晉有奉焉爾復者復中國也歸者歸其所也

疏

釋曰又發傳者嫌
霸者與凡諸侯異

諸侯遂圍許注會溫諸侯許比再會不至故共圍之

傳遂繼事也注繼事會于溫而圍許

曹伯襄復歸于曹注三月為晉侯所執今方歸

傳復者復中國也天子免之因與之會其曰復通王命也注免之于宋身未反國因會于許即從反國之辭通王命

遂會諸侯圍許

傳遂繼事也

二十有九年春介葛盧來

傳介國也葛盧微國之君未爵者也其曰來卑也音

義

介音界國名疏

釋曰據莊五年邠犂來來朝亦未得爵命而稱朝此謂卑賤之故止言來矣襄

十八年白狄來注云不言朝者不能行朝禮是也

公至自圍許

夏六月公會王人晉人宋人齊人陳人蔡人秦人盟于

翟泉注翟泉某地疏

釋曰左氏以為王人者王子虎為下盟列國晉人云云者狐偃等為

上敵公侯皆貶之稱人何休注公羊云晉文德衰故微者注會今穀梁既無傳注或如何說王人以下皆是微也

秋大雨雹注雹者陰脅陽臣侵君之象陽氣之在水雨

則溫熱陰氣薄而脅之不相入轉而成電音義

雨于付反電蒲

學

反

冬介葛盧來

三十年春王正月

夏狄侵齊

秋衛殺其大夫元咺

傳稱國以殺罪累上也以是為訟君也注元咺訟君之罪于伯者君忌之使人殺之而後入案宣九年陳

殺其大夫泄治傳曰稱國以殺其大夫殺無罪也此
傳曰稱國以殺罪累上也凡稱國以殺大夫或殺無
罪或罪累上參互不同略當近半然則稱國以殺有
二義泄治忠賢而君殺之是君無道也衛侯雖有不
德臣無訟君之道元咺之罪亦已重矣然君子之道
譬之于射失諸正鵠反求諸身衛侯不思致訟之愆
躬自厚之義過而不改而又怨忌上下皆失故曰罪

累上音義

累劣偽反泄息列反治音也近半附疏釋
近之近正音征鵠音毒反愆起虔反

疏曰

元咺訟君則是臣之罪復言累上者以上下俱失嫌
衛殺無罪故加累上之文也衛侯得書復歸者復歸
非全善之辭衛侯既委罪元咺故得復歸之稱注釋
曰言有二義者謂傳言殺無罪也即是罪全在君傳
云罪累上也即上下
俱失故云有二義

衛侯在外其以累上之辭言之
何也待其殺而後入也

及公子瑕

傳公子瑕累也以尊及卑也

衛侯鄭歸于衛注徐邈曰凡出奔歸月執歸不月者奔
則國更立主若故君還入必有戰爭禍害所以謹其文

執者罪名未定其國猶追奉之歸無犯害故例不月音

義戰爭爭
關之爭

晉人秦人圍鄭

介人侵蕭

冬天王使宰周公來聘

傳天子之宰通于四海疏

釋曰復發傳者葵丘會也此則聘也嫌異故重發之

公子遂如京師遂如晉

傳以尊遂乎卑此言不敢叛京師也注何休曰大夫

無遂事案襄十二年季孫宿救台遂入鄆惡季孫不受命而入也如公子遂受命如晉不當言遂鄭君釋之曰遂固受命如京師如晉不專受命如周經近上

言天王使宰周公來聘故公子遂報焉因聘于晉尊周不敢使並命使若公子遂自往然即云公子遂如京師如晉是同周于諸侯叛而不尊天子也公羊傳有美惡不嫌同辭何獨不廣之於此乎甯謂經同而傳異者甚衆此吾徒所以不及古人也音義

台工來
反又音

臺郭音運惡季孫烏路疏釋曰傳言此者遂是繼事
反美惡烏各反又如字之辭以辭有善惡故傳分

明別
之也

三十有一年春取濟西田注曹田

公子遂如晉

夏四月卜郊注謂之郊者天人相與交接之意也不
言郊天者不敢斥尊也昔武王既崩成王幼少周公居
攝行天子事制禮作樂終致太平周公薨成王以王禮
葬之命魯使郊以彰周公之德祭蒼帝靈威仰昊天

帝魯不祭音義

少詩照反疏

疏

注釋曰范惟言天人相與交接故謂之郊字既從郊

或當亦在南郊就陽位而祭也皆武王既崩云云尚書有其事制禮作樂云云者禮記文祭蒼帝靈威仰昊天上帝魯不祭者是鄭玄之說鄭以春秋說元命包云紫微為大帝大微為天庭五帝合明又文耀鉤云蒼帝春受制其名靈威仰赤帝夏受制其名赤熛怒黃帝受制王四季其名含樞紐白帝秋受制其名白招拒黑帝冬受制其名汁光紀是紫微宮者五方帝故鄭以周與魯夏正郊天者祭青帝靈威仰之帝冬至祭天於圜丘者祭天皇大帝魯不得祭之故范亦同之耳然三王之郊一用夏正魯不然者以天子得冬至祭天皇大帝故郊所感之帝皆以夏正為之魯不得冬至祭天故傳卜三正從周正月至於三月皆是郊之時也月各一卜故云三卜禮也四月非時故云四卜非禮也左氏以為禮不卜常祀郊既魯之常祀故一卜亦為非禮公羊以為天

子不卜郊魯郊非常禮故卜之求吉之道不過三故三卜禮也四卜非禮也是三傳各異其用牲也何休以為郊天牛角齒栗三望之牛角尺其丈出於稽命微其祀也郊祭則焚燎山則升水則沉

不從乃免

牲猶三望注鄭君曰望者祭山川之名也謂海也岱也

淮也非其疆界則不祭禹貢曰海岱及淮惟徐州徐魯

地音義

岱音代疆居良反

疏

注猶三望公羊以為三望泰山河海賈逵杜預之徒注左氏者皆以

為分野星圖中山川今范同鄭玄之說取禹貢之文以為淮海岱也

傳夏四月不時也注郊春事也四卜非禮也注郊春

事四卜則入夏免牲者為之緇衣熏裳有司玄端奉

送至于南郊免牛亦然注玄端黑衣接神之道玄重

者天地之色也南郊天位歸之于陽也全曰牲傷曰

牛牛有變而不郊故卜免牛音義

緇側其反疏注全重許云反

免牛釋曰哀元年傳文也

乃者亡乎人之辭也注亡乎人若曰無

賢人也凱曰其猶易稱聞其戶闐其無人詩云巷無

居人譏僖公不共致天變音義

關苦鵬反共音恭本亦作恭

猶者

可以已之辭也注望郊之細也不郊無望可也已止

也

秋七月

冬杞伯姬來求婦

傳婦人既嫁不踰竟杞伯姬來求婦非正也疏

釋曰重發

傳者嫌國君之妻異故明之

狄圍衛

十有二月衛遷於帝丘注帝丘衛地

三十有二年春王正月

夏四月己丑鄭伯捷卒音義

捷在接反

衛人侵狄

秋衛人及狄盟

冬十有二月己卯晉侯重耳卒注晉自莊公以前不書于春秋又不言文公之入及鄭忽之殺何乎徐邈通之曰案詩序及紀年史記晉昭公之後大亂五世又鄭忽之後有子亹子儀且事出記傳而經所無殊多誠當有不告故不書者諸侯有朝聘之禮赴告之命所以敦其交好通其憂虞若鄰國相望而情志否隔存亡禍福不

以相關則它國之史無由得書故告命之事絕則記注
之文闕此蓋內外相與之常也魯政雖陵遲而典刑猶
存史策所錄不失常法其文獻之實足徵故孔子因而
修之事仍本史而辭有損益所以成詳略之例起褒貶
之意若夫可以寄微旨而通王道者存乎精義窮理不
在記事少多此蓋修春秋之本旨師資辯說日用之常
義故穀梁子可不復發文而體例自舉矣音義

重直龍反疊亡

匪反朝直遙反好呼報反否疏注釋曰師者教人以不
備矣反注張佳反復扶又反疏及故謂師為師資也日

用者易繫
辭文也

三十有三年春王二月秦人入滑

傳滑國也

齊侯使國歸父來聘

夏四月辛巳晉人及姜戎敗秦師于殽音義敗必邁反下同

傳不言戰而言敗何也狄秦也其狄之何也秦越千

里之險入虛國注滑無備故言虛國音義殽戶交反進不

能守退敗其師徒亂人子女之教無男女之別秦之

為狄自殺之戰始也注明秦本非夷狄音義

列彼疏

釋曰舊解進不能守謂入滑而去退敗其師謂敗於殺也亂人子女謂入滑之時縱暴亂也本或別進字

者

秦伯將襲鄭百里子與蹇叔子諫曰千里而襲人

未有不亡者也秦伯曰子之冢木已拱矣何知注子

之輩皆已老死矣拱合抱也言其老無知音義

百里子如

字或作伯誤也蹇紀輦反拱九勇反合手曰拱

師行百里子與蹇叔子送其

子而戒之曰女死必於殺之巖陰之下注其處險隘

一人可以要百人音義

女音汝下及注同陰本作奎音吟一音欽處昌慮反隘於

懈反要於遙反
下要而擊之同

我將尸女於是注尸女者收女尸師

行百里子與蹇叔子隨其子而哭之秦伯怒曰何為

哭吾師也二子曰非敢哭師也哭吾子也我老矣彼

不死則我死矣注畏秦伯怒故云彼我要有死者晉

人與姜戎要而擊之殺匹馬倚輪無反者注倚輪一

隻之輪音義

倚居宜反
或於綺反

晉人者晉子也其曰人何也

微之也何為微之不正其釋殯而主乎戰也

癸巳葬晉文公

傳曰葬危不得葬也

狄侵齊

公伐邾取訾樓

音義訾子斯反

秋公子遂帥師伐邾

晉人敗狄于箕

注箕晉地音義敗必邁反

冬十月公如齊十有二月公至自齊

乙巳公薨于小寢

注小寢內寢

傳小寢非正也

注非路寢疏釋曰傳發此例者以隱公不地桓公非正今傳

公雖卒而沒於婦人之
手故發傳以惡之也

隕霜不殺草注京房易傳曰君假與臣權隕霜不殺草

音義

隕云
敏反

傳未可殺而殺舉重也可殺而不殺舉輕也注重謂
菽也輕謂草也輕者不死則重者不死可知

李梅實注京房易傳曰從叛者茲謂不明厥妖木冬實
傳實之為言猶實也注實子

晉人陳人鄭人伐許

春秋穀梁注疏卷九

春秋穀梁傳注疏卷九考證

宋人執滕子嬰齊疏傳注並不解稱名之意蓋罪賤之也○臣照按疏以書滕子名為罪賤之者禮諸侯失地名滅同姓名餘不生名也然稱宋人以執則其賤滕子次也

會陳人蔡人楚人鄭人盟于齊○臣浩按此與左傳會字上無公字故范注曰會無主名內卑者也四國稱人外卑者也別本作公會誤

宋公及楚人戰于泓宋師敗績傳○臣召南按泓之戰

穀梁深責宋襄最得經意范注引何休及康成之說以左傳證之宋襄傷股則穀梁所謂身傷有實據矣何休以鄆陵之戰楚君傷目經書楚子敗績穀梁謂君重於師如泓戰宋公果傷經亦當書宋公敗績此其難穀梁之意也康成以傷目與傷股有別以解何休之駁揆以聖經書法實皆不然泓之戰至於門官皆殲師徒喪失幾至亡國故經書師鄆陵之戰楚君

傷目而三軍未至大損經故舉重以概輕耳

晉侯夷吾卒注○不書葬監本誤作出不葬今改正

宋殺其大夫傳其不稱名姓以其在祖之位尊之也○

臣召南

按大夫不名大約舊史逸其名孔子因舊文

耳公羊三世內娶之說既妄穀梁所云亦穿鑿之論也劉敞曰春秋非孔氏家牒何得擅諱其祖名哉此說甚正

楚子圍陳納頓子于頓傳圍一事也納一事也而遂言

之蓋納頓子者陳也注圍陳使納頓子○臣照按穀

梁云蓋納頓子者陳也言因欲納頓子故圍陳圍陳而後頓子可納也注謂使陳納頓子楚既圍陳何須使陳

楚人陳侯蔡侯鄭伯許男圍宋傳注諸侯不能以義相師○師字監本誤作帥帥作率音則於義亦通但上文既言三人行必有我師則別本作相師是也

公子買成衛不卒成刺之傳先名後刺殺有罪也○劉

敞曰穀梁說非也會不言所為言所為皆譏也然則
刺不言所坐言所坐皆諱也

公朝于王所傳言所者非其所也○
臣召南按經祇謂

王所非正朝之所耳不謂朝之之非也天子在是可
不朝乎

公會晉侯宋公蔡侯鄭伯陳子莒子邾子秦人于溫○
晉侯下左氏公羊經皆有齊侯穀梁經無之

公子遂如京師遂如晉注經同而傳異者甚衆此吾徒

所以不及古人也○臣浩按范此言深得其實公羊

亦言美惡不嫌同辭而後儒說經私意穿鑿強為異
同非經意亦非傳意也

四卜郊注成王命魯使郊以彰周公之德祭蒼帝靈威
仰昊天上帝魯不祭○臣召南按范從康成之說故

如此實則天無二帝亦無二豈有紛紛之名如元命
包文耀鉤所云云者耶感生之帝與昊天上帝實一
帝耳魯既僭用天子禮樂郊壇所祀即昊天上帝也

詩曰皇皇后帝皇祖后稷明明祀天配以后稷矣謂
不祀昊天上帝可乎

猶三望疏公羊以為三望云云一段○監本誤刊於四
卜郊注下今改正

春秋穀梁傳注疏卷九考證